

烟嶼樓詩集三

卷十之卷十五



烟嶼樓詩集卷十

鄞 徐時棟柳泉稿

慈谿葉鴻年吉甫刊



七古一

童曰舍人七言古脫口而出搖筆即來然其豪放處正如深山飛瀑一氣奔注而就中卻有無數盤旋曲折不令人一覽而盡斯為奇觀

題周抑齋先生 良劭 風雨破蕉圖

一枝兩枝折而舞墨痕如泣筆如怒無端寫得破蕉圖
蒼茫黯淡皆風雨 先生自題云無端寫得風雨破蕉圖 先生生少多牢愁

長揖靈均拜莊周其於人也為善哭故其於氣宜乎秋

烟嶼樓詩集十

一

短幅縱橫裁一尺圖畫猶新人已昔忽驚颯颯風雨來
月照蟲聲滿牆壁

負米行為邵鏡湖秀才 景泉作

東鄰浙米西鄰炊飯香到鼻兒啼飢昨日負米去倉卒
今日望門來遲疑年未三十髮半白意氣頹喪面黧黑
雙親衰老私坐愁男兒欲行行不得黃金百萬何時來
誰能拔爾抑塞磊落之奇才不如從牧豬奴試一擲李
白杜甫欺人之語良可哀

王意山曰讀此詩令天下寒士同聲一哭

畫馬行 有序

全太史作其先侍御畫馬記其略曰侍御諱美閑小字駒郎非堂先生之子陸大行文虎之壻畫馬入神品始寶藍本松雪國難後諱之或不知而及之則此曰爾惡知吾馬吾所師者宋遺民龔聖予父子之馬也其實聖予之馬世無傳者侍御特重其人而已嗣是遂祕不示人或盛稱聖予爲人以及其畫輒欣然出得意之筆以贈而箱篋所貯有出松雪者悉焚之以從戎江上累授侍御監軍其後奔走山海思與諸遺民起事康熙壬寅被逮明年卒省獄中所著百尺西樓集無存者而所畫亦希矣夫人陸氏最孝亦工

繪事每侍御畫馬夫人從旁爲布景太史之記如此道光丙申余至張氏忽於壁頭見侍御畫馬爲之驚歎馬凡五匹或立或卧或奔或逐皆雄俊有奇氣而丹楓數樹特姿媚娟秀蓋其夫人筆也於是距侍御之卒一百七十有餘年矣紙本完好光彩如新忠臣義士之遺蹟殆有物焉呵護之者顧主人不甚愛惜余欲以所藏松雪馬易之而又不可爲作畫馬行題其端使知寶貴焉

駒郎畫馬推專門能以慧心師古人晉唐神品不易得淵源惟有趙王孫王孫晚節何靡靡而其畫馬良足喜

豈知遭際忽相同。於是其馬深可鄙。崎嶇山海亦勞瘁。
聊將畫馬杼坎軻。何人尚稱松雪翁。乃以故吾例。今我
謂我此畫堪。亂真旁觀噴噴。駒郎噴曰。爾惡知吾畫馬。
我所師者龔。遺民遺民不肯畫。鴛鴦胎天曹。下取天馬來。
人閒塵濁那得有。先生之言欺人哉。顧其畫馬雖不傳。
其畫馬法吾能言。駒郎隔世稱私淑。想其畫法當復然。
酒酣耳熱呼兒急。命兒撲地如馬立。鋪紙卻作唐馬圖。
潑墨淋漓兒背溼。狂風驟雨筆不已。擺脫一切空摹擬。
須臾寫出雄俊姿。擲筆大笑兒亦起。駒郎有兒非凡數。
先生子名宗然。亦有高節嘗搜刻。其外祖環堵集亦見太史記中。

烟嶼樓詩集十

三

筆看郎畫馬成。胭脂來畫馬邊。樹青枝紅葉媚不俗。此
樹何如管姬竹。樹邊一馬獨嘶風。兩馬寢立兩奔逐。吁
嗟乎。銅馬不出泥。馬徂老驥伏。樞哀龍駒彼戀棧。豆甘
局促尚圖神。駿胡爲乎遺民畫馬。旣絕塵駒郎畫亦希
世珍。勸君慎祕此畫。勿爲六丁取。王孫畫馬筆下空有
神。

舊評馮柳東師曰。畫馬行至於少陵。無能繼響者。此
詩獨闢町畦。生氣迥出。豪邁颯爽。真能拔趙幟而樹
漢幟者矣。又曰。全篇以聖子松雪爲陪客。而以龔
浚陪全宗。然是篇中小賓主。至以管夫人襯陸夫人。
尤覺意思不到。令人嘆絕也。

陳曰。杜老畫馬行爲千古絕唱。此詩
之妙正在離形得似。不掩作者本色。

董曰集中每用則有然後於是等字以文法爲詩法可驚可愛又曰如馬立翻用左氏奇警絕倫童曰風格逼真老杜必傳之作

庭樹篇贈蔣生椿

蔣家庭樹秋風高天香滿湖雲外飄淡金作色玉作屑
八月氣暖花更豪生也折枝翩翩來謂我此花先人栽
佳話不敵竇氏樹手澤何異王公槐我聞斯言下座走
對花長揖三拱手前輩風流猶儼然世德馨香一何久
樹前林立兒與孫一花一粟皆清芬珍重秋風勿相剪
故家喬木今幾存月湖大姓舊推陸庭前花井古香馥
蒼柯老幹摧爲薪桑田何處問華屋吾家所居在明季爲陸給諫懋龍故

烟嶼樓詩集十

四

宅庭前舊有木犀一樹枝蟠高結圍圍如井縣志所稱木犀井者今屋已屢改此樹久不可問矣老幹蒼柯百尺懸古香馥馥難施君家相去不盈咫昔花有偶今僅轆皆汪令源澤詩也此書香郁烈將百年太息而今亦衰矣生平讀書本無種况食先德賈餘勇豐背養翻盍勉旃贈詩意比贈花重異時直上干雲霄杏花簪子楊柳袍天香滿湖月中落蔣家庭樹秋風高

陳曰中間得陸氏一襯波瀾絕妙倍覺感慨無限特自作者出之爲本地風光在他人便無謂此又移步以常論也

壽從叔苻湖翁六十

長庚朗朗天無邊照翁顏色如神仙研池南曲開壽巖

我來爲翁歌新篇翁生戊戌我甲戌我後翁生三十有六年

翁生乾隆戊戌十一月二十五日翁我之生同月余生嘉慶甲戌十一月二十五日

日翁言此事當有緣今翁六十神清奇視我但多頷下髭獻翁綠玉杖酌翁黃金壘翁卻我杖飲我卮願翁年

年醉倒無窮時後卅六年我亦六十翁期頤大小二老滿頭白髮長追隨此時翁興復不淺會當一笑報我今日之新詩

烏曰大小二老四字奇又曰不落凡想不入凡格作壽詩最無趣味此爲絕調

童曰妙在達得出

歸自粵西歌爲子相作

烟岫樓詩集十

五

邊風蕭蕭水不波如花姺女拍手齊唱歌歌聲嘈雜羌音多錢唐客子柰愁何萬里作孤客對此無顏色百里斷行人日落秋原白吁嗟天涯歷歷多樂郊何爲走馬來此使我朱顏彫柳州城外慘陰雲長劍八尺哭劉蕡昌平去茲遠嗟爾來何因迴風撲面馬蹄立拔劍四顧空無人側身東北望長安長安窈窕雲之端芙蓉老死玉京遠欲歸不歸心煩冤四明山高高中有二百八十之峯巒劉綱夫婦只今尚在斯昔我入山采藥髣髴親見之客子歸來路漫漫與我把臂入青山仙之人兮欲言不肯言怨子衣袖多蠻烟憐子遠來意良苦但

許洞天石扉。留三年天上日月何悠悠。人閒局促春復
秋。子規夜啼芳草歇。寶刀出匣男兒愁。我欲竟此曲。此
曲多煩憂。相思江頭夜。夜水爲君擊碎珊瑚鉤。

烏曰有似仙李者有似鬼李者奇作也

陳曰全詩音節悲涼神情恹恹令人不可逼視我尤不忍卒讀

王曰朗誦一過令人名利之念俱消

劉曰昔人謂李杜多纏緲恍惚語其原蓋出於騷讀吾師此篇及遊山諸作知淵源遠矣

以酒贈天台傅獻生濂先之以詩

有客下馬入我室。豪氣磊落固無匹。下筆颯颯天風生。
題詩作畫皆奇絕。去年聞君客明州。驚人之句多唱酬。

烟嶼樓詩集十

六

我欲一識奇男子。涉江遠訪無蹇修。未幾玄膺汗名山。
聞君負篋已南還。干戈滿路塵埃起。將軍帶甲守雄關。
今年海邦尙蠻貊。而君飄然仍作客。不圖著屐來登樓。
使我得見君顏色。臣家里人楊意死相如。躑躅臨巾市。
袖中字滅萬言書。背人夜讀淚不止。眼前委瑣齷齪皆。
庸奴。不如短衣長揖高陽徒。酒酣自作慷慨歌。鐵如意。
擊金唾壺。此閒雖樂非故鄉。我亦無才不得狂。贈君美。
酒勸君飲。安用抑塞潦倒奔名場。

陳曰眼高四海空無人

餞春行

落花滿天香滿宅。良辰美景難再得。石家餞春作高會。
千金買春畱一刻。門前車馬連翩來。白玉爲蓋金爲勒。
相呼結客少年場。姍姍裙屐風流伯。一樹梅花一麗人。
翠被鄂君同在側。笙歌繚繞滿屋梁。纏頭歷亂拋金帛。
西山銜日柰樂何。卜晝不歡繼之夕。雄跳撲朔雌眼迷。
長夜未央樂安極。不知何來崛強兒。攘臂上堂相詰責。
堂下屬和忽干聲。酒坐敗興齊默默。柔枝無力嬌可憐。
霎時捲地罡風黑。明星亂落燈琉璃。迅雷轟擊杯琥珀。
君不見去年報賽行。故事一物所費累千百。女兒多少
豔如花。置之高閣鬪顏色。樂極則悲理固然。無端海國
遭蠻戾。徵師集餉已經年。至今尙未休。兵革嬉春開宴。
忽喧闐地遠琴堂。纔咫尺。絕纓斷袖歡無遮。伊其謔笑。
聲啞啞。奔走告語徧國中。公乎兩耳如豆塞。何況翩翩
佳公子。金盤玉漿同作客。明朝悍吏狂叫囂。東鄰西里
徧搜覓。大索夜來罵座人。紛紛逃竄無蹤跡。夜聞一夫
自呼名。名捕到官塔下。擲笑爾逢車空流涎。雖復摧辱
亦何惜。所嗟斯人君子言。昨暮倉遽太無策。諤諤法語
心恥之。乃謂餒愆成失德。我馴不及君。舌端坐聽此輩
煩言。噴習俗輾轉將安終。賦詩長歎心惻惻。

世道人心之作不特非卽景游
覽亦并不徒紀事感慨而已

遊響巖

上有巉巖峭削壁立千仞之高山下有飛騰歎薄滾滾
直下之奔川眼前突兀所見更奇絕則有石屋幽深縹
緲山中閒隔江望之宵無路我欲往遊渡江去乃知山
腰一徑通此屋長數百尺而廣僅容足側身睨視何迢
迢蒼茫四顧心搖搖聞昔遊人到此不敢入而我探幽
窮勝姑自豪兩手捫壁如蟹行兩足縮縮如循繩目亦
不得看山色耳亦不復聞江聲豁然開朗見洞府苔痕
斑駁蘚花舞瓊樓玉宇誰安排其中磐石大如鼓天風

烟嶼樓詩集十

八

雲外吹飛出笑聲去料得下界人不聞上方語置身天
半一切低黃埃此必有神人仙子常徘徊凌空飛鳥良
易易不知洞外之徑更復何年開神山可望不可卽力
鑿鳥道通天台前人好奇過我乃如此故爲偏仄似恐
俗子紛紛來手題洞門識歲月蟹行而入蟹行出夜來
夢寐驚墜空一落千丈恍惚身江中茲遊雖云樂念之
意常惡固知世閒勝境多復多出入道路險側將奈何
陳曰屈曲天矯筆如游龍若使青蓮再世亦當把臂
入林昔讀吾鄉樂社長游山諸作數爲奇恣對此如
培塿矣又曰讀舍人游杭集中飛來峯詩欵奇磊
落如對怪石供復讀此詩摹寫山水奇險而出語卻
極自然覺後來
居上進境不少

劉曰鳳章按吾鄉王右仲亦有游響巖歌尤不足擬矣

陸曰庚申秋廷獻曾與同人游此山今讀先生此詩勝境奇觀如在目前四明二百八十峯安得先生處處留題為名山增色乎

避地它山雪後同朱絳山鄭惺齋星懷周仲雲

宏縉 四弟子舟游雲石巖

我所思兮桃花源欲往從之
行路艱明山自來稱福地
只今何處有洞天霏雪經旬閉門卧廡下局促憂心煎
乍得開朗動游事出門一笑如逃獫諸君愛我導先路
足踏殘雪清不寒彎環曲折入雲石耳熟此勝今果然
所見巖穴或斤斧此獨高廠無雕鐫廣廈萬閒歷劫盡

烟嶼樓詩集十

九

終古石屋畱人閒洞門皎潔密冰柱水晶簾子玉闌干
清空徧室生虛白照徹洞中心肝安得手攜道書讀
琅琅驚起蛟龍眠下有龍湫飛塵一點不得到那知世外有
烽烟我家月湖古烟嶼它山作壻今十年扁舟一葉每
來去看山眼福慳無緣擊鼓動地海氛惡倉皇奔走來
江邊翻因亂離得游戲浩歌長嘯登其巔聞道茲山昔
洞府佛跡依稀猶眼前山前有佛跡下有佛跡寺名勝已被凡夫知
芒屨亂踏山欲穿仙人棄去如敝屣巖下流水空涓涓
不知飛鳥更何地必有勝境無人傳客中信美非吾土
先廬無恙兵塵喧赤松黃石多詭祕人生安樂皆神仙

蓬萊淺水縱不遠我亦不願長流連諸君爲我誇勝游
我知此意難復言

陳曰翻因亂離得游戲塵俗往往如此不知此何以故眼前語一經道破足令頑石點頭

陸曰屑玉雕瓊刻劃盡致寫雪後山景如畫又曰

語語入情可

以喚醒塵夢
童曰前篇以奇峭勝此篇以幽邃勝隨境換筆各極其妙

陳母洪太宜人七十壽詩

天樂下奏鳴鸞鳳綵衣爭試春風香捧花獻尊綵衣舞
七十年中母勞苦整衣朝拜君舅姑點燈夜課兒詩書
相夫種德徧存問枯魚歲假西江潤頰宮黓昧新卜築

烟嶼樓詩集十

十

王師啟行輸囊橐昔爲令妻今壽母慈竹靈萱日長久
五色

丹詔天上來兒孫繞膝多奇才木犀花黃杏花紫報答
春暉自今始

陳託巖 運亨 與龔岳庵 海 厲駭谷 志 張春水 瀟

同客滬上作海天四客圖索題

蒼烟點點海山碧相逢一笑頭半白上有浮雲下高樓
寂寞青衫同作客披圖識面生歎吁明月無恙長松孤

時駭谷 琴聲詩聲定淒絕問訊三客今何如

爲張丈小鼎 芳 題臨川李芸甫水部 秉文 畫梅

怒時畫竹喜畫蘭畫梅意氣清而閒我不善畫知畫法
古來畫梅傳人難臨川公子今豪傑畫梅畫花兼畫骨
橫枝屈曲花亂生爲花寫照信奇崛張翁得此心喜歡
使我作語題畫端短鐙長劒夜過午聞否壁上香風寒
陳翁秉炎席上賞同心芙蓉集古人詠荷詩賦
贈
上有竝頭蓮下有竝根藕蓮影向根生當軒對尊酒斑
簾十二卷輕碧蒲茸承露有佳色快哉誰爲乞天公自
應祥瑞生南國飄飄香袖空中舉雙頭竝作幽修語高
堂視此青琉璃明年還約看花侶

同陳餘仙

福熙

宋仲穆兩明經入壽昌寺觀浮

槎及李次公畫十八羅漢像

道光丙午五月五日晡兩客來相過堆盤角黍嬾不食
湖干攜手行逶迤壽昌寺中紛靈蹟東隱古柏虬枝柯
在寺西偏張樗寮書東

隱二字周鄮山爲之賦

聞道二物更神妙逞閒乘興勿

爽蹉有槎卓立大合抱奇雲一朵生烟波砢礪峭削凹
以凸纍珠百萬如旋螺隨手指點肖一物鬼工舌縮交
手搓貫月犯斗或伯仲耳孫雲樹松養和拂几復展應
眞像東綃幅幅輕藍揆低眉怒目佛變相眼見滄海驅
鯨鼉狀貌尊嚴衫履古梵書滿簡疑籀蝌當其揮灑絕

凡境迴與俗筆殊。曰窠僧云此畫卽至寶猶勝寫經換
籠鷺畫師無數稱好手。一見自憐才軼軻殿後之槎亦
突兀。但恨不知幾義娥。吁嗟豐干漫饒舌。往事爲爾重
縷觀。天啟辛酉。大風雨。蟄龍飛出巖之阿。雷轟電掣石
崩坼。澗溪溝澮成江河。中流熒熒異光發。乃有奇根高
塞峩。王翁賞識意珍重。敬持慈筏供彌陀。羅漢畫本較
晚出。李麟所作傳非謬。爲憶武林長明院。貫休墨寶藏
維摩。鄉人謝氏令嘉定。乞麟摹仿裁繪。綱婁生子柔題
畫端。十八贊語本老坡。謝氏作宰崇禎初。頗與文士相
切磋。承平無事狂故習。公餘燕飲時吟哦。四先生集付

烟岫樓詩集十

十一

劔剛一席宜分風雅科。

謝氏刻嘉定四先生集。婁堅其一也。天柱忽傾明

社屋。彼哉晚節。何險頗思借佛力。懺罪悔供養。寄園安

樂窩。

謝氏自作寄園於延慶寺。側而供此像。

旣失復得入此寺。永與靈槎

降天魔。手書本末識歲月。什襲篋笥靈異多。惜哉佛頭

乃著糞。何不剗去吾非苛。此時浮槎雜泥滓。左廂棄置

誰顧他。

劉法寬詩六十一年來棄左廂。

康熙甲子汪令君眼驚光怪。三

摩挲滌塵獻作大士座。空王何須獅象馱。賦詩作記一

時盛。物得大壽人消磨。二物傳今二百年。日月逝矣如

奔梭。往者滄桑曾變幻。洛陽荆棘生銅駝。近來福地爲

俘邑。天河纔洗腥干戈。兩遭小劫各無恙。奇物應是神

護呵。卻笑吾儕敬桑梓佛緣未及詢迦那窮目文獻迷
五色尋勝當爲遊人訶縱非商彝與周簡亦備掌故資
網羅歡喜贊歎飽眼福三十年來吾蹉跎歸來卻就廣
平飲醉中勸我試作歌良朋迢遞憶前諾爾時結蒲今
結荷詩成聊用記佳話緘以魚書達江沱時仲穆爲奉
川書院山長
西鄰且問陳無已閉門索句復如何餘仙以亂後自
定海來寓湖上
陳曰洋洋大篇夾敘夾議直以龍門史筆爲韻語其
中波瀾層折委曲分明斯爲紀律之師不同野戰
童曰屈曲盤拏精神貫注極似龍門作合
傳手筆至於狀物具有神工猶其餘事
劉曰章法跌宕縱橫如神
龍在霄變化不可方物
董曰渾浩流轉轉蘇
長公得意之作也

烟嶼樓詩集十

十三

郭曰雄深雅
健神似長水

胡小文 枚 招賞十三出蕙花

胡家小藝月湖渚翠羽羣集蕙花吐一花窈窕十三出
今無後來前無古美人新著芙蓉裳珮環瑣瑣立南浦
鹿亭山長趙王孫不遇傾城空作譜主人置酒紅霞房
時日曖曖其延佇飛雲入座風吹衣銜杯賞花兼賞雨

烟嶼樓詩集卷十一

鄞 徐時棟同叔稿

慈谿葉鴻年吉甫刊

七古二

舟發揚子江

雞公三唱天欲明。銅鈺鞞鞞催船行。紅燈高揭光瑩瑩。
揚子江頭風暗生。樓臺丹碧紛縱橫。金山拳石移人情。
明朝踏月聞簫聲。片颿會泊揚州城。

鳥日節
奏入妙

董曰風骨適上在吾
鄉為高疏寮一派

烟嶼樓詩集十一

殺鴨行

以下二首北
行車中作

主人速客戒庖厨。明當食鴨。今有諸庖人。數鴨得十頭。
為言足備來朝需。磨刀霍霍向籠鴨。鴨籠高大形覆盂。
籠中捉鴨籠外殺。殺鴨不異刈生芻。奏刀次第及第九。
籠中剩鴨心膽枯。縮項惕息作雛伏。側目四顧三躊躇。
突然躍起竹籠倒。急覓籠隙前奔趨。兩掌反側行跋蹙。
兩翼欲展不得舒。哀鳴唧唧入牀下。願此微命畱斯須。
嗟爾微命亦足惜。何曾之飽何其愚。昔有
聖人戒特殺。况爾薄福亦區區。

雁帶箭行

少年走馬郊原遊。挽強射雁貫雁頭。雁頭帶箭昏撲地。
倏然復起飛高秋。明年少年戶傍立。一鳥銜箭當前投。
拾箭笑看箭無恙。耳垢聊以箭爬搜。厲風擊戶戶擊箭。
箭躍過腦血橫流。老翁錯愕相告語。此雁不死能報讎。
我聞斯言意忽動。老翁之說非其傳。箭頭銛利本無比。
殺人何異於戈矛。去年之雁帶箭去。微命焉能須臾留。
雁友或俠如俊鶻。慷慨能爲同羣謀。雁兒或孝如烏鳥。
輾轉思洗亡者羞。相呼啄箭訴風伯。七日七夜聲啾啾。
風伯鑒彼區區情。鬼鏃如雪陰風颭。男兒結交重意氣。
長跪進爾千金裘。牀頭寶劍作孤嘯。出門歎息弄扁舟。

烟嶼樓詩集十一

二

童曰奇情奇事曲曲傳出看似易而實難末處含蓄不盡耐人尋味陸曰絕不道破正意使人言外見得讀先生詩處處當作如是觀又曰明明少年下六句寫得刻入微至如此方當得一達字

舟泊維揚大風雨懷趙粹甫大令 佑宸 卻寄

鴻年案古人集中投贈朋好之作名號官職皆以賦詩時爲據不因後來更改遷擢而追名之也今編此集悉仿其例邵君爲秀才名景泉號鏡湖及丁酉登鄉榜更名錦泉號又橋故五古卷癸丑之作曰邵又橋錦泉七古卷乙未之作則曰邵鏡湖景泉若趙君以辛酉官編修時更名佑宸此詩作於丁未官從其舊而名從其後者以原名犯今上御名不敢仍用之耳

大船簸浪車揚塵。四千里路來見君。長衫短揖相爾汝。三年不見容顏新。雞缸傾倒渴不止。一腔熱血尙如此。

別久對酒難爲歡聞君聲華滿燕市明駝健僕門前遶
致君不得心煩惱搓髻手整朝

天衣無人能作承

恩表去年決戰秋風急千夫辟易陣頭立青衫落魄長

安門侍郎叱咤尚書泣謂羅羅村師及許濱生先生下馬再拜逢生

客黃金來買劉蕢策何人交臂失王孫還家坐歎無顏

色雙佩齋頭東風哀一聲羯鼓紅筵開千花帶笑向君

舞君曰不樂吾歸來馬蹄亂踏春明路我不得意先歸

去君立街頭我登車穆穆楊柳銷魂樹扁舟慷慨新詩

聲周郎顧誤無閑情謂廉泉同年狂歌擊節潛魚出此時那

烟嶼樓詩集十一

三

憶人閒名詩囊笑向湖樓擲我歸自號風流伯絃詩中
酒花滿天盍歸乎來潞河客

劉曰宏音亮節鏗鏘盈耳結尤
悠然不盡所謂篇終接混茫也

陸曰以六朝之情韻寫燕趙之悲歌千古
才人一齊下淚又曰格調極似何大復

舟中憶范子真孝廉多銑卻寄

范叔瀟灑多丰姿離家苦作懷人詩瓊車曉自潞河發

春明門外看花時珊瑚架子秋千索征衫遊戲淨香國

吳兒窈窕工媚君故將鄒忌比城北夜闌憶否相思地

陌頭柳色申申詈明恩幽怨辜負人前年分手太容易

只今憔悴長安道東風得意誰家早紅袖淚比青衫多

坐看姊妹容顏好時子眞僚婿有新登第者問舍豈有黃金穴相君

更無封侯骨天涯飄泊胡不歸忍使阿嬌坐愁絕曲終

奏雅君當聽芙蓉洲外湖波青雲和吹徹白華曲高堂

黑髮如晨星

陳曰末四句孝思錫類天涯游子讀此當爲心骨酸

烏曰前篇豪邁悲涼此篇深情遠韻

董丈小莊湖鄱陽湖圖歌

鄱陽湖水清只且鄱陽湖干公下車下車撫字心勞劬

行年五十多白鬚公心有如冰玉壺丈自作私印曰清比玉壺笑比

清灣梁大夫畫師貌公神清臞坐公湖側公歡娛秋風

烟嶼樓詩集十一

四

起兮思蕪鱸父老歌泣兒童趨門前綠波春盤紆公歸

日日觀打魚垂暮卻憶游宦區看取壁上鄱陽圖公不

忘民如此圖民不忘公如此湖白雲城外湖之隅白雲城在

餘干隋所築也爲公會作新亭無湖水清清今何如何不汲取

薦公乎

陸曰公不忘民二句絕好頗挫絕好結束結句尤有餘音

童曰命筆超脫寄情懸逸結語與篇首相映合所謂一綫到底也

周曰結語是古人暗記事法蓋舍人題圖時先生已歸道山耳

題徐將軍慶超春波滌硯圖

海島蒼蒼海風黑將軍入海手擒賊磨崖笑勒燕然銘

江山坐鎮風流伯幕府畫靜如蕭齋墨花點滴沁官階
健兒抱紙帳前立將軍脫帽方神來蛛絲馬跡徒區區
將軍能作一丈書卻召畫師寫真意寫作春波滌硯圖
自歸道山十五年傳家季子能象賢浙東將軍舊鎮地
薄宦來此搜新篇帶刀殺賊名將功潑墨揮毫儒將風
卽今海外風波惡披圖尙思將軍忠

同舍弟子舟奉陪徐信軒使君敬謁偃王墓

先王受命於鎬鄴錫命爲伯弓則彤事見竹書紀年彤弓卽命爲方伯時
賜物後人謂通溝陳蔡間所得者妄也玉帛朝會四十國蠻荆震懾爭其
鋒王仁不忍以民戰避楚之越來甬東會稽之水投几

研翁洲築城居以終海濱有山高宰律王沒於茲營幽

宮卽諡名山曰隱學漢書徐隱王師古曰卽偃王王逸注楚詞曰偃諡也按偃隱古通語

詳所著徐偃王志其地今在鄞東封夏侯地志引古傳徐城遺

蹟畱崇墉夏侯志已亡語見史記正義所引括地志中自彼張華傳異說謂

王逃戰彭城中昌黎作碑襲其語轉將古說爲附庸後

儒但見昌黎文遂疑明州無王蹤昌黎碑記據博物志謂王死於彭城而以

之越城之隅引爲別說固已錯謬後人見韓文但言越州不言甬東遂疑明州不應有王墓不知當時甬東實

越地柰何但以圖經大書王葬地四明志始於宋乾今紹興當之乎道卽已載王墓紛

紛陋說持矛攻明徵確據在史傳素稱博洽何其嘗錢

大昕王孫昔來官別駕其時記在唐代宗徐季海以代宗未貶明州

別修墓創院拓前規天台譜謀稱厥功先祖應漢府君以南宋初自天
台遷鄞攜有譜牒猶北宋人所宋明以來或繼起尚列

翁仲與楸松迄今復閱數百載墓前蔓草滋蒙茸山麓

但映湖波碧碑趺祇餘斜陽紅僧貧寺老香火歇卽季海創

建隱學院也空山不聞梵王鐘每拜寒食念先德奔馳人事

徒恩恩邇來有志於修葺搏土採石方選工徵召宗庶

擬經始一時同志殊難逢海邦忽瞻德星曜被

詔守土來我公興廢舉墜復故道拔薤置水安商農使君

治民不大聲色其修整水利尤有功斯土者李舟王密如可作曷媿紀德嗣

文雄付姓受氏追本原辱以支派相研窮十望九本先

王出諸徐所祖母乃同惟王永宅固在斯但恨歲遠無

封崇公聞我語喟然歎數典追遠吾夢夢予惟遺紹尸

厥土謁拜敢忘前輩風乾隆閒守徐君約我與往薦脯

脯昆弟買權同追從山中士女走相告歡呼竹馬迎兒

童太守仁孝祭先墓道旁感泣蒼顏翁率厥羣從襄祀

事是日使君命其從子之在署者同往謁墓禮成拜獻何雍雍攝衣升陟事

周覽踐踏虎豹攀虬龍羨門傾圮滿荆棘神道茅塞迂

弗通防護失冊祭田盡畱貽但餘山幾弓入寺少憩長

太息隳壞如此神其恫千山萬壑一坏土百年雞酒將

不供會當表揭示後來大書深刻碑穹窿吁嗟史事久

荒落妄以羸徐當淮戎周秦古記弗詳考道聽塗說皆

警聾豈惟卮言疑邱隴千載莫知先王忠漢以後所記

罔其尤妄者穆王命楚伐徐之說也余漢王事無不誣

據周秦古書確鑿辨正之詳見偃王志中我生先王墳

墓鄉讀史掩卷心忡忡自忘固陋思辨難引據一洗誣

罔空往歲載筆今垂就竊謂頗足昭發矇晚近著述難

自負書成將以求折衷因公拜墓有新作賦詩答和抒

心胸諸徐孰非王子孫敢告桑梓宜敬恭

陳曰敘述祖德歷落分明詞既辨核筆復莊重在作

者七古中另是一種筆墨正如王右軍書樂毅論如

仙人曹娥碑有孝女婉順之容體各有當也

烏曰以考据入詩易近迂腐此篇全以考証為骨

而絕無一點迂腐氣犯其筆端真空前絕後之作

董曰以敘事法寫韻語源出北征故

能浩浩直達不落長慶卑靡之調

劉曰源出昌黎而運以己法

不襲其貌故能各有千古

童曰証之鑿鑿足息疑喙

前半相足而成

又曰收處極完密

退之而敘事處直是史公得意之筆

清江酒肆醉歌

自從吳門一醉眠蓬窗日日薰煤烟每飯舉箸無下處

往往江中招魚船縮項之編黑頭鯉買得盈尺不值錢

僕夫懶惰亂斫斲風味那足佐尊前今我舍舟已登陸

相將同入酒家屋老饕指動口流涎壓酒百杯心未足

此去沙村塵店中但是麥餅充飢腹杖頭有錢無酒沽

五日一見花豬肉。用坡老句座上慙慙呼友生，急須豪飲如長鯨。解囊不惜黃金盡，放筓何論盤盂傾。便當爛醉清江宿，何妨來日歡宿醒。莫待下車撲飛垢，枵然捫腹思南烹。

題章韻堂年丈 忠型 玉堂富貴圖

名花古稱眾香冠，寫生省識東風面。披圖一笑話從前，彷彿先人夢中見。夢中神語大吉祥，樹德務滋培益昌。翁家玉樹無凡質，一枝果出超羣芳。馬蹄款款簪花歸，綵衣奉笋娛春暉。當階芍藥向翁舞，會當看取金帶圍。

賣書行爲鄭杏卿明經 元祁 作

烟嶼樓詩集十一

八

鄭君囊空無一錢，悵悵出門思買官。麤車羸馬入都中，都中故人驚且憐。依人乞食少生計，落魄不易居長安。斂錢束裝趣歸去，寶山空手心惘然。歸來坐歎無顏色，少婦啼飢兒號寒。舊時長物行已盡，偷兒棄餘惟青氈。慈江迢遞一相過，繫我門外書滿船。屬我沽諸求善價，無慮不得錢萬千。在昔徵君好圖籍，謂尊人簡香先生勳卻爲買書常賣田。張華几篋本充物，韋述黃墨皆新鮮。何爲意嬾慢，藏弄哀朽蟬。斷稀完編一朝棄之，不甚惜祕笈。過眼付雲烟，萬物得失有定數。不妨自今遂棄捐，況我點金亦無術。豈能強君守丹鉛，知我故人只如故。脫粟布

被姑醉眠明當僕僕作書估爲君一問交遊前平明別
君暮還見嗟余舌燥唇亦乾柳津上章尙驅鬼鬼名何
意相糾纏貧生酷好力難致豪宗浮慕心弗專鐫銖毫
末與計較買菜求益夫何言吁嗟兮鄭君遇合良有緣
前年走甌越今茲入幽燕有書賣書只如此無錢買官
胡得焉先人手澤猶萬卷先人敝廬猶一椽青鞵布襪
老作書蠹自清福安用齷齪奔走宦海風波閒吁嗟鄭
君亦歸爾吾力猶能供粥饘滿船明月載書去送君聊
賦賣書篇

陳曰貧生豪宗二語切中情事妙能以十四字了之
又曰有書賣書只如此無錢買官胡得焉二語真

烟嶼樓詩集十一

九

是桶底脫

又曰末一

段寒儒妙計良友至言

烏曰語長心鄭重 又曰較少

我感憤交作

爲台州人題徐天池天心來復圖

吾家青藤狂不死拉雜作畫盈一紙一枝梅花一菜蕪

不倫不類有如此梅花會意爲天心菜來蕪復爲諧音

狂生偶然游戲耳松枝瓜瓞沿到今近時畫工寫天竹水仙松樹芝草爲

瓜一蝶爲瓜瓞圖者 平生舌本幾時改老思懺悔問

眞宰不知來復更何年空畱畸譜人閒在生時奇窮死

則通身後乃遇袁石公餘才旁溢亦珍祕一紙尙寶雞

林中

題潘母窺屏圖

客持潘母窺屏圖橫廣半丈高十尺索我新詩題畫頭
喟然望古生歎息在昔孟陽官丞郎阿母深憂禍不測
一朝大會來高軒自屏窺之喜形色滿朝朱紫皆爾曹
兒材雖鄙官亦得瑣瑣私語青史傳後來感歎知人識
想見當時座上人委瑣齷齪皆伴食意氣橫誇鄉里兒
豈知不得驕巾幗男兒有材如綠衣功名自當畱竹帛
不然何弗高卧深山中無使潘家屏後老婦笑啞

陳曰罵
盡一切

王曰發
人深省

烟嶼樓詩集十一

十

謝林小屏 純初 惠醪醑花

古來只有醪醑酒以色名花亦已久寒食之賜今則無
醑是此花名不朽比之蛟骨色非綠擬以龍涎香太俗
梨花楊花多不倫自然風韻豁心目吾家細君常病肝
感頰屢言心骨酸不知何處得妙法云服此花醫能痊
奇方不載花經中本草未獲收神農詩人諷詠知多少
豔羨香色遺元功我來園林將出門屬我索取言諄諄
果見次第數十本但乞一本廉且仁坡老怪爲花所挽
涪翁欲眠畱不返主人許我我應歸歸去摩挲看花眼

明朝老奴擔花入山妻一笑呼童急攜鋤鑿土柔以鬆
清婉春風面牆立自從牆角扶疏栽曉窗晨幙望花開
十日已見枝發葉一月更無花含胎未諳花事向君扣
君言花移開必後卽今已落春去時來歲蓓蕾定當有
花開治病不關我我欲醉花漬酒應大可明年花開苦
爭當柰何惟有祝花爲我一放三千朵

紀夢 有序

夜來夢讀錦繡萬花谷記一條云丞相鄭清之家女
樂名縵舞下該出處不復憶矣醒而異之作此以記
日誦錦繡萬花谷夜來夢攤此書讀行閒體例依稀同

條貫連綴皆珠玉忽然驚醒多忘遺中有一行猶可思
此卷似是記歌曲乃及丞相鄭清之笙歌繚繞相公府
女樂蹁躑名縵舞下注徵引則已忘深念苦憶不能補
此書作者名不傳序稱洎熙之所編後人增益或羈入
遂及紹定端平年是時安晚始爰立縱使豪奢見難及
況該出處似古書誰爲紀載誰收拾我方索古恭梓桑
余考取宋元以前四明詩文遺事
以至職官流寓方外皆分編之 搜羅摭撫圖表章無
口漢輔夢神造給我故實何荒唐

讀呂梓州淨德集

昔讀元祐黨人碑中有呂陶名巍巍粟粃苗莠或閒廁

保非附驥名長垂今朝書客負書入舊本新本何纍纍
私集冊卷號淨德古道猶照人鬚眉奏書陳事洞利害
讀史著論當著龜相公窮經方反古一士百折不肯回
上下學論尤卓絕笑彼字說奚以爲擬之陳亮非傳伍
以方賈生堪追隨昔者對策承明殿時相讀卷顏沮摧
策勸帝不惑理財之說不聞老成之謀不啟疆帝詔馮
場之事王安石讀至此顏色變沮不能終卷
京爲卒讀再三嗟賞深相推有才不用遭抑置僅以一
官判荒陲泊乎他年入黨籍雖復起之終一麾嗟君論
性貶苟況不能灼見言依違其他學術邁湛俗詩律良
亦中矩規才名或爲兩蘇掩蜀人至今知阿誰一編足
可下濁酒那惜爲君酬百杯

童曰著語
妙有分寸

題四明四友圖

李東門瞰鄞萬人磁州牧鄭南溪性慈北溟緒章

生人太學生同時生號爲四友以詩鳴淵源各自紹家學是時老

鄭爲主盟東門之父爲臬堂先生鄴嗣西郭父五河令

言南溪父寒村太守梁北溟父侍御兆昌四

家合刻集曰四明四友詩傳百餘載口操土音典刑

在今乃得見四友圖摩挲長卷驚光彩一人松下手蕉

扇謝一人拂紙萬一披卷李一人尚領奚奴行鄭負書
似與來相見不知何人爲寫真面毛鬚頰無俗塵臬堂

詩子尤奇古。豈是尋常行路人。東門先生左目上下皆初生時頭面有小耳數十爲繫去之後鴉青色貌似羅漢先生一異僧見之曰此海上羅漢化身也當時題詠後來

續只今淋漓滿圖幅。雖然不比填詞圖。短吟長歌尚非

俗。吾友陳子相宦粵西曾見陳其年填詞圖真蹟自國初至今二百年中名公卿約畧幾備蓋世有賢子

孫常出求詩而迦陵名重人樂題之以是圖卷成牛腰矣此卷題者不過數十人其後南谿曾孫簡香徵君亦嘗出求題詠同時有錢唐吳陳炎莘町馮念祖文子東

陽王崇炳鶴潭諸人嘉慶間有無錫秦瀛小峴錢唐吳錫麒穀人吳與陳

焯然圖諸人題詠南谿元孫攜以來吳綾蜀錦新剪裁

徵君子杏卿明云自先人逮今日什襲藏弄雙硯齋吁

經曾重裝此圖嗟四友不可作。故家喬木久零落。風流何處懷老成者。

舊晨星日。蕭索就中世家。推義門書香一髮而千鈞年。

烟嶼樓詩集十一

來南北東西走天涯。乞食常苦貧手持此圖心惘然謀

生無計聊典錢。知我桑梓必恭敬。不惜割愛畱吟邊我

愛四友今睹貌。知畫圖時年尚少。圖中惟東門領下有鬚南谿則微髭耳

鄭重爲君畱案頭。恰復題詩供一笑。問君四明今何有

但見里巷逐朋酒。兔園冊子科舉書。眼中之人誰不朽

吾非斯人而誰與。奇才旁溢亦無取。搔首獨立蒼茫中

擲筆重披我思古。

烟嶼樓詩集卷十二

鄞 徐時棟柳泉稿

慈谿葉鴻年吉甫刊

七古三

咸豐八年三月二十日馮午卿竝時得兩孫喜

而有作

君家僮來城西村報我昨日生兩孫歲月日時悉無易
天然奇瑞鍾一門我方爲君發狂喜座客訝是蠻生子
豈知同祖之弟昆不先不後有如此生人之數未易窮
干支有盡將雷同顧我交遊非寥落似此但見姚與馮

烟嶼樓詩集十一

一

余所交友人皆有親書履歷及生年月日謂之烟嶼樓
同人錄其中惟大興馮架小槎鎮海姚燮梅伯兩孝廉
竝生於嘉慶十年七月二十日巳時古來所記姑勿說今我所知亦燕越
何如君家階庭前芝蘭玉樹竝頭茁聞道四柱雖同科
後先杪忽相去多君曉吾家子平法二雛祿命定如何
我來左右顧英物試聽啼聲當一一湯餅之會亦更番
勿笑老饕徒舖歡

客有話唐人許道敏科第事者感而成詠

許郎昔爲時宰知聲價十倍高京師試官求才相公府
相公大稱力薦之加簡揖額試官去許郎聞之色飛舞
好友張郎新結婚來爲相禮懽賓主張郎初諧花燭情

許郎待挂金榜名高談搖佩主賓樂飛章縱酒餘子驚
相公被詔乍遷謫試官竟迷目五色青衫落魄歸去來
滿腔憤怒啼不得黃金雖盡舌猶在潦倒抑塞廿餘載
一朝得志發上科蹉跎白髮慚時宰同榜諸君初邂逅
中有少年年十九許郎見此心感傷姓名家世試詳叩
少年歷歷布親串許郎聞之發長歎回首京華二十年
乃翁親迎吾僮贊少年即張侍郎讀也自我失意歸故鄉頗聞好
友欣弄璋通家子弟艱會面不意今作同年郎當其慷
慨自期許反掌功名快心語榜中猶有人未生勞爾資
緣亦何補相公勢焰將柰何試官炎涼空復那失得尋
常勿悲喜人生由命非由他

烟霞樓詩集十二

二

童曰熱中人見之定應夢醒又曰極好筆仗又曰舍人七古全以敘得清達得出見長又曰敘得清達得出其源自馬遷來時手鳥得有此

門蔭歌爲孫通判懷邦作

通判孫君吾外姻海壇總鎮之仲孫一旦過我話家世
自言身被

先皇恩

先皇恩詔出丹禁大僚子孫許推蔭是時伯父已在官
遞及家君以父任總兵名大綱道光元年以宣廟登極恩蔭一子未及受祿

奄然殂僉議襲蔭當在吾房從忽起相爭奪抱牘往控

言虛誣有司積久不能定封章展轉達

天聽方今

聖人親召除始獲銓曹注名姓咸豐五年始得引軍興見以通判候選

大開捐納科黃金臺上貲郎多年年卻送人作郡嗟爾

門蔭可柰何黑貂裘敝面枯槁卅載九上長安道輪蹄

鐵盡歸去來行年六十吾將老歸來妻兒啼飢寒丈夫

貧賤難爲歡作賈無財農無產百計不如仍作官去年

需次將及期行囊羞澁還典衣他人我先已十日親朋

笑我來何遲我有窮交歸自客昨日相逢好顏色鮮衣

怒馬游市中聞道軍前拜恩澤嗟我哀苦難具陳門資

衰歇慙先人噉飯食肉吾未老逝將往從江南軍

烟嵐樓詩集十二

三

陳曰摹寫苦狀淋漓盡致卻是真情實話

陳顛菁曰案通判後竟從軍死於粵寇之難未膺郵典亦未有爲之表彰者家珥曾以其事告先生而不能得殉節始末亦不能爲之作傳殊可惜也

然先生集中有此一詩通判亦可以不朽矣

溪頭老婦行

溪頭老婦哭黃昏哭聲淒楚不忍聞生遭亂離盡哀怨

何爲汝獨啼酸辛自言家住城南窟有兒壯年夫白髮

延慶寺前租荒園年年賣菜爲生活城頭解甲紛逃軍

倉黃奔竄驚四鄰我亦刮錢貫馳馬最小船名也俗謂之快馬一家

數口依昏姻入山驚定愁無奈出門攜得斗升在來時

雨餘圍菜肥。商量挑向隩中賣。父子相將入城去。此時消息只如故。誰知一夜飛風來。紅巾徧滿西南路。鄰舍有人逃出城。眼見父子驅爲兵。裹頭白布赤雙腳。長髮健兒鞭之行。悲來不敢啼。人屋避人私。向溪頭哭。悔恨當時不少留。相對餓死意亦足。昨日萬人出城分。西東逼迫俘囚爲先鋒。聞道此去戰諸暨。願他父子辛苦猶城。

陳曰老婦孤兒兩詩感慨時事而直言之足稱浣花嬌乳樂天尙姑舍是餘子無論矣

郭曰樂天新豐折臂

翁等篇同一感慨

劉曰悔恨二句響悲意苦不忍卒讀

烟嶼樓詩集十二

四

孤兒行

孤兒生命一何苦。什伯成羣作囚虜。孤兒命苦兒不孤。孤兒各有母與父。父母看見如掌珠。饑食肉糜寒衣襦。忽遭喪亂抱兒走。相逢狹巷被牽驅。男爲役。女爲妻。奪兒懷中兒哀啼。大兒十歲小六七。隊隊抱上城樓棲。城西酒傭舊相識。昨來山中面顰黑。爲言身經十日俘。繫在城樓餉兒食。羣兒哀啼聲續哀。極聲低音亦促。每當啼急不忍聽。一呼賊來無敢哭。此時景狀尤慘然。不知賊復何心肝。西城去此七十里。啼聲尙猶吾耳邊。吁嗟乎嚴陵昔歲賊虜至。十歲小兒都棄置。當時收刺

懵懂軍其最少年十一二賊犯嚴衢時收十一以上小兒教之殺人謂之懵懂兵是時吾友宋仲穆殉節壽昌第六子宗舉以十三歲被掠第七子宗臬年十一詭云九歲得免而今網

羅及么麼破巢下更無完卵乳臭小兒何罪辜一朝羈
紲櫻天禍城樓百尺高入雲黑雲低壓城樓昏上有青
天下黃口哭聲如雷天不聞

烏曰門蔭歌至此逼眞老杜

謝鄭竹溪觀察勳惠洋燭

徐孺一下陳蕃榻謂魚門中翰西窗話雨燒長蠟佳製云自

洋舶來惠我十挺賦詩答蛟川鄭君來草堂亂後重逢

倍驩洽爲言客滬幾年蠻實夷琛五都雜奇技淫巧

烟岷樓詩集十二

五

焉取斯芒鞋空向市頭踏忽見蠟燭白皚皚滿前光怪
此爲甲永夜曾無見跋時未有高花須鐵夾棉絲作幹
軟無力不知祕造是何法呼僮買取三百枝此時尙未
彈歸缺他鄉風雨懷故人思君不見意勞悒聞君避地
墳墓鄉南山阿裏修經業挑燈著書常達旦夜半鶴鳴
驚落葉心念此燭持贈君夜夜照君資涉獵紅粉固應
貽美人寶劍會當投巨俠不然辜負有用材徒使明光
照紛逕草堂一宿詰朝去日晡伴來有長鬣細竹筐中
手擎出泥金番書綠油匣開匣笑看白雪丸六六停勻
巧排墨燃君此燭賦新詩皎潔一枝眞玉立感君念我

當亂離鄭重爲我畱行笈眼中蠻燭長復長倘比君情定不及

烏曰狀小物惟妙惟肖

童曰細膩熨貼其選韻尤天然可愛

題節母王孺人秋燈課子圖爲倪繼美作

倪君念母哀苦節繪圖徵詩成卷帙三索我詩久不報
又向吾宗轉陳乞天高地厚江湖深憂心悄悄夜沈沈
點燈教子昔年境此境可繪難繪心孤兒弓冶繩祖武
繼美從其祖杏仙爲醫兩孫讀書耀門戶去歲繼美二子同入泮歲時羅拜
畫圖前不負當年母勞苦嗟我十六喪嚴君又廿一年

烟嶼樓詩集十二

六

爲鮮民慈訓在耳木已拱爲君題句重酸辛

劉曰吾師至性過人屢因他事而及風木之感讀此篇結四語想見落筆時涕淚俱下又曰此境可繪難繪心與昊天罔極同旨

贈江峴山封翁家燮

江徐三世爲來往峴翁於我十年長前年徵詩來草堂
六十健走不攜杖爲言先人八老圖名輩題詠今畱儲
我慕風雅思繼志諸君有作君可無翁家門外湖波滌
園林之勝甲句甬詩書科第方鼎盛翁心泊然無所動
無何家難起倉卒掠翁東去投虎窟死生度外心泰然
以其至誠感狡猾吁嗟世事如雲狗昔日壯夫今已叟

眼中感衰數十年安樂患難都順受只今老大甘食貧
慷慨談笑常率真游山看花自娛樂有時散步尋故人
昨復過我催賦詩自言有過心不知情親如君勿諛我
當以語言箴規之歎翁此道照人古書翁舊事述翁語
素位而行不願外畱示子孫卽規矩

茹香爲其亡室徐孀人徵挽詩

吾與茹香同筆硯結交今餘三十年往來昵密話家世
耳熟內助爲賢媛避地山陬作鄰里驚看孟光霜滿顛
支牀病骨安患難奈何少子遭連遭吾與茹香同避建
隩其仲子吉祥及
余仲兄子隆章皆被掠壬戌四月六日事也歸來先廬幸無恙故物儒素畱

烟嶼樓詩集十二

七

青氈大兒新采泮池藻難後得此應喜歡豈知憶念亡
人心轉當歡會尤愴然丈夫愛憐尙不已何怪婦人思
顛顛華言風語覓消息疾病抑鬱恆纏繇參苓可得非
心藥殮碟四載辭人閒嗟我老友手拮据頭銜清貴無
俸錢時茹香新得
中書科中書營齋翼作功德復乞挽歌聲其賢
生時宜家死受福安用悼亡長悲酸獨憐冬夜人獨旦
不堪重解葛生篇客建隩時余作山中學詩記常與茹
香往復辯論余以葛生爲悼亡之作

茹香極
賞歎之

劉曰吾師言情之作最近漢魏如此篇豈知
二句五古卷別時頗落落諸語尤入人肺腑

次韻答釀仙明經并餽之酒

生作蠹魚窠。楮葉脈未化。頭漸雪。胸中拉雜如亂絲。
成書不得一編絕。窮經餘事爲詩文。下筆無難通奧折。
李賀錦囊時暗投。彌懷刺久漫滅。邇來倒篋親別裁。
壬癸再邁五丁掣。破屋夜坐坐憶亡書。寒燈作暈眼花顛。
故人自遠詒新篇。時釀仙方館余家崇本書院一一佳言霏鋸屑。索
和未報忽經年。輪轉雙丸眞電瞥。以我斗酒賸我詩事。
業千秋姑勿說。有酒不飲徒愛名。此錯已鑄六州鐵。

用東坡聚星堂詩韻贈柳泉舍人 烏世耀

閉門靜掃書中葉。腕底如風胸如雪。百餘年來壇坫
虛謝山之後。君繼絕三豕字。辨傳寫訛五鹿角。爲談

烟嶼樓詩集十二

八

經折案羅飲器。宵常溫帷映燈光。曉不滅舊侶形忘。
嬾送迎新題。興到隨抽掣。一聲霹靂箭離弦。五色文
章花眩纈。爭求傑作奉金科。更愛清言霏玉屑。要期
事業千百秋。肯任光陰過一瞥。賤子竅同秋。蚬吟不
妨冰向夏。蟲說龍門許。登高恐顛扶。我賴君拄杖。鐵

贈陳揆卿同年 文楷

揆卿先生眞且樸。來課我孫主家塾。對君鬢鬢各有鬚。
卅載光陰歎局促。富貴我已輕浮雲。而君脩爾更無欲。
以儉養德勤支家。布衣蔬食自然足。昔君累上長安車。
同學少年多酒徒。看花結客共君去。明燈朗照吹笙竽。

吳下雛伶美如玉。壓酒勸君甯。斯須舉杯一笑爲之盡。目中有妓心中無。歸來菽水安食貧。難兄難弟同養親。東身軌範本家教。讀書服賈皆彬彬。莊椿無恙風不靜。嗟君先德真先民。尊甫昌黎生平好諛墓中郎無媿。惟斯人。余嘗爲先生墓志。前年粵寇海濱作君以其家匿巖

壑賊中辛苦戴頭來。空驚道路傳聞惡。壬戌四月余由

建陳奔避豐樂

鄉忽傳君及陳子相馬蘇亭三家竝陷於賊是時道路

隔絕無從探聽然以天理卜之當必無此事已而果知

妄其人生不幸遭亂離。豪氣名心盡消索。垂老重觀昇平

年一家聚順貧亦樂。只今兄弟何怡怡。相見無華言無

欺。長幼式好既不易。外內同德誰維持。廉泉讓水在人

世。豈必晚近非軒義。與君話舊有新作。珍重家風如此

稀。

題陳子相四餘讀書圖 有序

子相以老爲生之餘。合古人三餘稱。四餘於是。以四餘讀書名其室。復以名其圖。而記之云。造物佚我以老人。各有能有不能。吾所能自佚。吾老者讀書而已矣。藉先民話言。怡悅吾情性。非特辨難爭論之意。毫不起於胸中。卽掩卷都忘。吾何嘗不陶然自樂耶。達哉言乎。是又一讀書法也。自維鑽研故紙。垂四十年。冉冉老至。曾不知悔誦君此記。爽然若失。雖然。人各

有能有不能。我不能強君。舍汝而從我。君亦不能強我。舍己而從君。好之斯樂之。夫固各自有其快然者在也。今題君圖當發君意。是亦公羊氏所謂名從主人者乎。

古人三餘君四餘老爲生餘。姑讀書灑江送別昔年事。君歸自粵西時同僚爲作灑江送別圖今與此圖合裝成卷。召工重畫新畫圖。圖中

貌君鬚皓皓手持一卷如年少。有客笑謂君計非何必

讀書始娛老。聞君舊讀種花譜。學宦不成歸學圃。君自號鄴

西老種菜依然呼菜傭。搗腸拄腹空勞苦。夜來紡花鄉

鄰譏。吾鄉鄙諺云日裏走人家。夜來紡棉花謂不早也。他生智慧難可期。憑君

更讀五千卷。來生尙早今生遲。君笑謂客不欺我。我欲廢書無不可。顧我生來百不能。而亦不能竟安坐。齊王雞蹠千乃已。嬰兒一餅啼卽止。人生有欲總如斯。求我所欲斯已矣。不攝生何須道。經不佞佛何須上。乘不討論何須三絕。不博古何須百城。但有文字可屬讀。卽復與之交忘形。徐子聞言懽然作我亦生命。蠹魚託把卷不知老。將至纔見數行便思索。題詩一笑吾非歟。輸君自有讀書樂。

九言

戲作生子歌贈湯耕吾

淮

湯翁六十一歲初生兒杯盤大會賓友喜可知不肯召
我同作湯餅客乃復強之速賦弄璋辭尋常弱冠生子
不恨早孫曾行輩之兒毋乃遲胡爲三黨來集月湖渚
但聞百喙齊賀枯楊稊久失怙恃地下穿望眼終鮮兒
弟旁屬非親支冊年此心宛如轆轤轉一旦入室對此
襁褓啼欲取卽與雖得未足貴屢求弗獲忽來斯爲奇
定知一夜充閭氣鬱鬱何妨六旬阿父鬢絲絲前年范
叔畫蘭徵吉夢謂范文爾時徐子擲管填好詞縱曰無
功而此意良厚豈宜失德使人涎空垂今我斯陶不覺
再歌此倘翁怙過未知以報之異時眼看此兒復生子

我雖爲翁狂喜定無詩

烟嶼樓詩集十二

十一

陳曰欲取卽與
二語奇情至理

童曰欲取卽與兩句中包卻多少層折又曰作九
言詩必須大氣盤旋消納一切非但令人增減一字
不得便爲合作也此雖偶爾游戲之作而汪洋
奔肆中仍自紆迴曲折正由才大心細耳

烟嶼樓詩集卷十二

男隆壽平甫校字

大母常思汝相逢感復深何堪悲往事已聽換鄉音似
識依人苦難留作客明朝還走走送別淚兩沾襟

陳曰三詩語語質實老到
令人不識作者纔弱齡也

王曰情摯語真老嫗都解而格律渾成不能點
竄一字作者不特天才亮特實至性過人也

烏曰明白了
當似易卻難

童曰深於情熟於境清空一
氣明白如話是為律呂正聲

登南城尋慶雲樓故址 有序

慶雲樓舊在南城之上明季海道副使王應華所建
者也副使用異人伍柳園說謂必建樓斯地而後郡

烟嶼樓詩集十三

二

中無兵革既成自為之記凡高卑丈尺至門戶向背
皆有定位未幾天下大亂茲土獨安堵亦可異哉年
來忽圯壞余嘗與湯孝廉型謀興復之而未果也尋
覓故址慨焉有作

野馬上城頭驕嘶白日秋今看芳草地舊是慶雲樓城
堞土花碧江山劍氣收承平二百載鼓腹共嬉遊

二

昔我嘗登此臨風慨以慷叶豈知人世事一夜見滄桑

余嘗與陸東岑登城游覽樓側時已發
歲不可上賦詩記之明日遽聞樓圯遺蹟隨流水詩

心付夕陽獨憐憂患意載筆有王郎

斷碑不可讀而我復登臨此地空寥落何人間古今水
天通異域海市失蠻琛念此忽不樂更無知我心

大梅山懷梅子真有序

郡邑志以大梅山為梅子真隱處故名竈臼在焉按
漢書稱子真隱會稽今甯波古會稽地則志說不盡
誣也而或又言山有大梅樹樹為它壤及今會稽縣
禹廟之梁以是得名是不又相矛盾乎

抗疏遂高隱吳門與越鄰此來山有主莫道漢無人還
往神仙易安排竈臼新如何載筆者重說樹輪囷

烟岬樓詩集十三

三

舊評鍾雲屏曰三四對得奇絕

清晨由戴公嶺入金巖寺

白雲何處宿侵曉尚蓬鬆三折戴公嶺滿山黃隩松溪
聲隨落月秋氣帶寒鐘試立寺門望烟霞知幾重

劉曰氣韻蕭散
味在弦指之外
陸曰冲夷澹逸似
不食人閒烟火者

同子舟詠陶靖節限用五柳先生傳中字有跋

結會如何往招之許盡觴然而終不樂便去亦何常書
以酣情醉言因得意忘此生空嗜好頗或著詩章

著書忘姓氏。榮號曰天民。樂志何求富。爲文自贊貧。有言畱不盡。此意解無人。情性閒如許。蕭蕭焉得親。

三

親戚常招飲。如期造必先。畱因醉也既。去亦欣然此。樂曾無盡人。生自有天。不知便何往。或在酒家邊。

四

亦有閑閑宅。何爲戚戚歟。先生常在此。短柳自環如人。賤無知己家。貧頗富書。五言詩賦得。樂意輒於於。

庚子小除余與子舟同賦此題去傳中重複僅得百二十餘字而選其平仄字可諧韻者居然足備十律

烟嶼樓詩集十三

四

支韻八字可二律魚韻四字真韻五字先韻六字陽韻五字尤韻四字皆可成一律紙韻可一律寘韻可二律感眉搖膝不知小除之候而大除也既遭兵燹盡

失舊稿後乃於燼餘中檢得殘紙尙存四詩錄之以誌數十年前聯牀之樂而子舟詩不可問矣記當時成詩後忽復得句云若有酒常醉此其家不貧下句全用史記頗自得意擬補成之而終不果漫記於此

同治乙丑十月望夕

劉曰四詩氣體高妙澹然自足

陳曰子舟有句云無酒不知己有詩如舊人嘗屬余書楹帖故尙憶之

次韻答董阮山放

吾愛董夫子，翩翩大雅羣。有詩先贈我，無日不懷君。空
谷高人畫，阮山善寫墨蘭斜陽孝女墳。阮山工書，余屬題陳孝女碑。何當重
把臂，舊事得多聞。

二

十載長安道，歸來意致深。故鄉好山水，閒日一登臨。青
眼或狂飲，白衣常苦吟。家風須繼響，阮山父名史著，有漸齋詩鈔。莫
憚鬢霜侵。

集唐句送粹甫北上

下馬飲君酒，詩看卷素裁。一經傳舊德，五色耀仙材。高
閣客竟去，春風帆正開。先侍郎遺句見雲溪友議中。以文常會友，何

烟嶼樓詩集十三

五

日復歸來

二

客路青山下，西陵繞越臺。故人從此去，春色正東來。海
內存知己，明時方愛才。近

天忻所寄，遙想白雲隈。

董曰：明秀似岑嘉州。

童曰：對偶天成，幾令人忘其爲集句。

前余歌歸自廣西，贈子相後十餘日子相袖答
歌見訪，余適他出未晤，作此寄之。

前度來遊客，重聞到水邊。湖山君再訪，談笑我無緣。短

榻懷人夢殘花中酒天平生思慕意下筆總纏絲

二

三徑依然在一官歸去來長吟不辭苦作答果然哀似我非知己斯人多愛才豈真懷壯志幽興到荒萊

三

骯髒西風裏知君壘塊多倘來談往事爲爾續前歌月落星橫斗秋空雁渡河牀頭有長劒把酒且摩挲

四

不識相逢後新詩復幾章但歌今日樂莫悔少年狂野館浮燈火殘星照屋梁何時見顏色重與話斜陽

次韻答柳泉

陳勸

記訪幽人宅雙扉綠水邊好山皆畫意佳客總詩緣
舊雨重來日斜陽欲暮天思君不相見有弟話纏絲

二

爲有高堂念歸途萬里來未伸烏鳥思旋抱蓼莪哀
作吏無嫌俗逢時愧不才贈言感知己相慰在蒿萊

三

凡事如意少平生壯志多蒼茫身世感慷慨故人歌
桂海秋移棹桑乾曉渡河舊遊話燕粵把劒幾摩挲

四

絡繹詩筒寄長歌復短章祇因情繾綣不減興清狂
古調傳流水餘音欲繞梁何人比高格吾愛孟襄陽

亂後歸里鍾雲扉同陸丈靜廬行健董君阮山

見過雲扉出意外吟共讀卽題卷後

談詩誰得要吾愛陸先生世事皆顛倒鍾君獨性情斯
言真有味非我好隨聲讀罷題吟卷還持作定評

二

更有阮山氏曾無一首詩自言遭喪亂那得復悲思迨
睹傷心句常逢點首時應知見此者哀感總如斯

童曰一筆寫出痕跡俱
化非老於詩律者不辦

烟嶼樓詩集十三

七

羅蘿村師課士誥經精舍分賦晉宋書隱逸傳
十章

會稽夏統

買藥洛陽去浮橋春水深吳兒歌一曲忠孝是鄉音太
息豪華俗空驚木石心櫻欄花滿野何處更重尋

陳畱范粲

優詔二千石陽狂卅六年孤臣無限痛聖主若爲憐生
死一車了清貧有子賢如何忠節士卻廁逸民篇

河內郭文

先生行荷擔刺史尙車迎窮谷苦牀地空山木葉聲此

身隨在樂不憶故無情何事稚川子重畱沒世名

武昌郭翻

高節殊難得沈刀事未然固辭虛客意復取受人憐謝
聘將終老居貧卻墾田將軍能下士來入武昌船

敦煌宋纖

鏡鼓喧山谷威儀太守尊見賢不以道欲入閉之門白
髮經生席丹崖隱士村歸來空歎息石壁尙畱痕

雁門周續之

開館通三義同門號十經少年都講座暮歲帝王廷處
士高。清。淨。斯。人。尙。典。刑。鍾。山。移。病。去。巖。澤。惜。遐。齡。

南陽宗炳

策蹇匆匆去蕭疏兩鬢斑三湖新買宅四壁舊遊山絕
調驚當宁傳琴未掩關同時戴安道王使竟空還

琅琊王宏之

願作漁師老飄然撥棹過故人無恙在新日得魚多鄉
夢拋江左高風滿浙河貂裘隨意著采藥入山阿

南郡劉凝之

萊子傳投畚嚴陵不曳裾無端對王使稱僕尙修書笑
脫看花辰同乘入市車衡山高絕處曾此結茅廬

會稽朱百年

袂布滿啼痕。男兒罔極恩。醉中忽棖觸。悲絕木棉溫。入
世身無累。談元舌尚存。知心有萊蕪。蕪若老山村。

郭曰吾師五律逼真開寶諸子詠史詩氣體高妙亦在近人五研齋之上

題鄭杏卿杏林春曉圖

吾愛鄭高州。文章第一儔。至今遺澤遠。無改舊風流。把
酒知豪興。論交始去秋。瓣香懷往昔。應許鶴江遊。

二

有約看花去。長安二月中。鬧紅千樹錦。走馬一鞭風。圖
畫春先在。題詩語未工。舊時聲價滿。重看掃秋虹。

越篷聯句

烟嶼樓詩集十三

九

一櫂飄然去。何琳秋風越水行。望中鄉樹遠。王世濬天際莫

雲平。談笑餘豪興。謝輔站江山歷幾程。無端詩思動。范邦翰

涼月上初更。時棟

二

不識蕭山路。頻頻問榜師。漸聞人語近。轉覺櫓聲遲。旅
館明燈火。棲鴉換樹枝。時棟官橋斜出路。猶有酒家旗。時棟

曉渡錢江聯句

如此江山好。乘風破浪來。琳蚤潮千疊湧。初日片帆開。
不盡古今事。誰當利濟才。時棟茫茫空闊處。回首越王臺。

世濬

傷同兒寄子舟京都

三十不得子兒生，我母歡期年相捨去。老淚未能乾，我亦愛憐甚念之心骨酸。瘞銘悲不已，還寄遠人看。

送傅獻生歸臨海

亂後重相見，褰衣入酒壚。忽成三載別，新長數莖鬚。談笑無餘子，干戈只故吾。醉中君莫問，舊事總模糊。

二

決計諸生老，看山兩腳忙。何人還襍穢，謂爾太荒唐。綠酒遊仙夢，青年結客場。眼中浮世事，慎弗悔疏狂。

劉曰：讀眼中浮世事二句，見古人臨別贈言之義。

三

烟嶼樓詩集十三

十

未了名場債，來年尙一行。君當知此意，我豈愛微名。自有傳人業，非關問世情。馬鞭長揖緩，且復說生平。

四

此去中秋後，木犀花正開。滿山香不已，送客到天台。無計堪畱別，相看更愛才。何時商舊學，遲爾四明來。

董曰：風格迺上滿紙淋漓少陵得意作也。

贈湯丈耕吾

謂我逢君久，曾無一字貽。半關生性懶，又恐大巫嗤。此夜忽相憶，有情從可知。來朝聞剝啄，敢說報章遲。

是月多風雨尋常未出廬天寒頻中去酒客去且看書
生計今安若新詩問起居梅花定開足香冷復何如

董曰以古體之法作律詩一氣相生不見對偶之
迹作者最擅長也集中此類甚多偶拈其一論之

哭楊閑史秀才偉信

相見不曾數每逢常最親已憐君卧病猶爲我沽春鄰

笛淒相感儒冠誤太頻始君兄以劬書天天年今君又繼之可惜也昔時傳

吉夢遺札尙酸辛君嘗夢予生子以札致予

秋夜同王稽雲世濬登吳山絕頂

吳山無暑氣明月水邊樓攜手一長嘯同登最上頭淡

烟嶼樓詩集十三

十一

雲千片白燈火十分秋何處吹長笛西湖有釣舟

丙午八月十四夜闌中作

六度錢江水頻來鎖院中木犀花正發香遶一身風整

頓威儀肅包涵氣象雄儒生觀大體瑣瑣說窮通

富貴尋常事吾生早定謀安能懷壯志長此學低頭絕
業懸今古諸君任去畱卧看明月上客路又中秋

光溪

落日放船去彎環度石根遠橋低坐水孤雁淡歸村紅
樹新山色青袍滿淚痕低徊溪上路悽絕兩招魂時仲兄及

亡室皆殯溪上
相距一里許

劉曰遠橋二句寫景
幽絕卻好引起結意

陸曰遠橋一聯字字烹
鍊卻極渾成超詣也

烏曰遠橋一聯琢鍊而
出以自然姿學兩到

莫別徐旭林星池兄弟出奉化城

刻上吾宗彥歡然雞黍邀別君時曖曖送我路迢迢忽
見月生水相隨人過橋前村投宿去餘醉未全消

岔河旅夜

迢遞來相見關山路幾程行囊煩檢點低笑若平生旅
柝驚殘夢鄉心亂別情攬袞長太息涼月正三更

烟嶼樓詩集十三

十一

三月十二夜聞中夢見先伯兄明日得家書兄

子隆德入郡庠喜而有作

矮屋三條燭更深睡未安見君聞語笑向我索衣冠自
得南中信方知地下歡別離十四載來夢豈無端

二

潦倒當年事青氈恨不平故人重話舊時李莪山郭少
逸諸君同寓崇
下文門孤子始知名尚助磨圭志無忘式穀情阿咸吾望

汝豈獨在簪纓

周丈伴槐 沉挽詩

十七年來久時時丈室過古人憂患意彌覺老成多獻

歲驚聞計殘冬尚養病後賢師儉德期望定如何

王丈蓮君瀛權知河池州卒於官詩以哀之

陳子歸來日贈詩哀意多陳子相自廣西游宦歸曾作歸自粵西歌貽之迨公

將就道勸我續前歌薄宦身名盡驚聞涕泗沱可憐吳

札劔長自悔蹉跎

苦雨

何處堪行路江南正作去霖更無終夜月不送一聲雷

野望山全墨江空浪欲堆俄聽簷溜斷又見溼雲催

二

比歲遭荒歉稻苗今幸肥老農無限意日日候柴扉蝸

烟岫樓詩集十三 三

迹壁頭滿鳥聲簷外稀可憐種花者還說有生機

周曰此舍人戊申歲和李笙翁作也落句微露作意固知古人尋常詠物題要自有命意在

范丈筠圃邦挽詩

過我作酣飲匆匆已四年邇來豪興減兩鬢早蕭然顛

顛經生席淒涼坐客氈門前月湖水剛繫孝廉船時長君子

真新自京師歸里

欲問

欲問漁樵業優游江上村有情天亦老無佛我稱尊世

態平心見斯民直道存前言吾既悔輕薄與誰論

陳曰次聯以成語作對極工卻極自然

庚戌下第南歸經蘇州信宿閭門外忽見白髮

數莖感賦

往矣觀燈樂來思競渡忙旅懷望燕月歸鬢點吳霜作
客易爲老窮途不敢狂舟車八千里無語慰高堂

烏曰第四句點用
長吉真切無痕

弔何一山先生

桂馨 有序

先生爲予弟子舟房師道光丁未二月余入都謁先
生時先生方官御史一夕招飲邸第歷敘生平自言
宦數十年矣屢起屢廢從不知有奔競今年逾六旬
浮沈仕籍轉不若令弟不出之爲得也醉中媿媿感

烟嶼樓詩集十三

十四

慨久之及庚戌之歲余復入都先生已卒於官歸過

吳門往弔其家追念前言悵焉有作

招飲都中日生平細細論始終惟我法拜罷盡

君恩羈宦嗟流歲歸田羨及門只今過故里在耳悵言
存

烟嶼樓詩集卷十三

男隆壽平甫校字

烟嶼樓詩集卷十四

鄞 徐時棟柳泉稿

慈谿葉鴻年吉甫刊

五律下

哭邵丈海門壽

豪興眼前在難忘是此翁笑談驚左右嬉戲尙兒童
摹帖初晴後栽花細雨中只嫌社公酒未肯與治聾

二

仲夏一相見爲翁開舊醅出門從此少壯志未全灰
既病猶垂念來看覺已隕俄成千古別空奠菊花杯

三

烟嶼樓詩集十四

一

隔水昔三老謂丈及王丈月蓬門時一敲蕭疏飛雪鬢
去農湯丈耕吾年去交斗酒互爲主新詩同見鈔不堪都去盡
冷落月湖坳

鄭弼庵孝廉聖賜母金太孺人挽詩

慚媿黃裳客東湖四度過家風荆布舊陰德里閭多壽
母方榮世諸兒早掇科佛桑遭阨閭淒絕是蒿歌

奉懷朱小竹先生縉

去歲草堂至匆匆遂別離重來是何日久不見吾師定
稿新添幾傳經近屬誰春風湖上席卻憶少年時

二

自返故鄉後揚亭道路舒

先生生長榆莢村後來寓居湖上數載近復還故鄉佳

兒應大可新婦復何如

先生子竹孫詩禮承家久桑麻以今年續昏

課績初桃源殊不遠載酒訪蓬廬

三

豈有先生者而終老輶軻生涯隨分足大器晚成多飢
火驅奔走雄心半折磨問天天不語看劍欲狂歌

四

弟子城西住科頭懶出門著書聊遣興無佛自稱尊萬
卷焉能破千秋未易論異時重請益隅坐倒清樽

烟嶼樓詩集十四

二

明相余文敏公以東錢湖月波寺故址為五柳
莊久之莊廢仍為寺而祀文敏於寺中咸豐六
年九世孫承樑重新堂宇余既為之記明年正
月十有七日奉安成禮同人集寺謁拜即事有
作

東錢湖上路三度記曾行未到月波去此來春水生帆
隨風尾轉山與樹頭平攜手同登岸衣冠野鳥驚

二

果然名勝地風景壓全湖昔日況臺榭茲山真畫圖門
西雙闕迴寺闢一山孤三百年來事田園已盡蕪

三

天子宣麻日先生種柳年名山開洞府平地失神仙未

了歸田願空畱記勝篇定應魂魄戀奇夢到西偏文敏構莊

將成而入閣命下神宗書名山洞府四字賜之後薨於

位不及歸也其樓閣門徑悉摘歸去來辭命名事詳集

中自記及莊廢為寺祀文敏殿隅寺僧塑三官像復遷

僻地道光開寺中新作西樓文敏示夢於湖上折君謂

所居湫隘盍遷我西樓覺而奇之且不知寺有此樓

也往視果然乃奉祀樓中至是承樑始改祀之西廊

王曰字

字精當

四 尚識清高像因緣傍佛門滿山無故宇九世有賢孫史

傳千秋缺心香一瓣存直翁先到此誰為賦招魂謂南

宋史

浩王

五 鄮峯真隱老曾此結槃阿先墓營湖嶼層樓朌月波山

容今古在人事廢興多我欲祠高躅同畱掌故科越王

鄮峯真隱其先墓在湖上今墓工所稱史墓者也又即

此地建月波樓後廢為寺月波寺之名防此余謂一寺

關宋明兩相古蹟今既祠文敏

於右廊其左廊宜祀越王也

六

更尋幽勝去寺後樹蕭蕭洞古高於屋春陰暗似宵御

書摩斷碣遺像認前朝蝙蝠知何處空山總寂寥寺右

鬢飄而成為當時莊中一勝以奉其父母二像者今裝

色剝落殆盡而狀貌依然是日尋勝至此遙見太夫人

烟嶼樓詩集十四

三

背倚一石隱隱有字余入洞中手扶像起摩識其文則洞府二大字端書後二行小楷云萬歷九年冬臣有丁恭摹上石蓋所鐫卽神宗御書而名山二字斷落不可問矣相傳此山洞中舊有白蝙蝠大於雞余尋之不可得

七

相國諸孫子相邀過此鄉野僧留客爨古佛看人忙嵌壁慙新記題詩屬和章登臨不盡興放棹已斜陽

劉曰紀河閒謂東坡五言律皆氣機流動由其一筆寫出不山堆砌而成吾師謁余文敏祠七章亦純以氣運無復

筆墨之痕

烏曰俛仰今古寄慨遙深茲游得

茲詩名山與賢相並傳不朽矣

童曰有記敘有旁及有感慨有摹繪色色俱到筆筆凌空七詩當爲五律壓卷

烟岫樓詩集十四

四

同葉小峯同年維藩季弟石門泛舟遊林氏夢園

聞說城南路名園綠水邊扁舟才一到小築已三年位置天然別登臨我亦仙何當攜斗酒蕭爾話林泉

二

樓迴深深接山低曲曲通小窗皆已亞老樹自西東烟靄微茫裏人家指顧中更臨池水上濠濮興相同

三

舊日農耕地新來已闢町短牆圍菊圃幽徑出雲亭外牆外有小亭童丈剪君顏以團雲豔色春都是奇花眼未經自慙斯事拙

小立問園丁

四

圃外更何有縱橫復結廬一庵新供佛滿架亂堆書外
有庵曰無無庵以供冬心居士所畫佛像種種因緣見無無色相如庭前千
个竹欲爲證空虛

五

遊倦將歸去同行尙戀斯到門無俗客題壁有新詩寒
食初過節斜陽欲下時草堂殊不遠應自悔來遲

遊夢園後月餘主人林小屏約以午日過其園
中遂自月湖泛棹出甬水門重遊是日陳鯨仙

烟嶼樓詩集十四

五

明經張米叔同年慶璜秦和卿孝廉運錦同在

園中卽事有作

有約看花去名園我復來解舟穿島嶼出郭指樓臺會
得故人聚因之懷抱開十年前事憶梵宇共徘徊丙午
同明經遊壽昌寺觀浮楮及李次公畫十八羅漢像時
余有詩記之今復以午日與明經遊覽斯園回首前事
周矣

鳥曰每歎眼前景他人或數十語不能達者作者輒
以一二語括之如此詩次聯是也且非特敘事明了
而重游亦復宛然

二

庾信園名小林逋鶴未歸野花迎客笑水鳥背人飛坐

永尊前話涼添雨後衣
除醮三十本欲向乞芳菲

草堂卽事

觸熱時來客看書
嬾出門蓮房新結子
蘭榦已生孫從好
誰求富無憂我自尊
狂風聞不害穰足報江村

烏曰五六
卓然名句

寄余蓴泚有序

五柳莊斷碣及文敏父母像皆在月波寺後洞中余嘗屬蓴泚嵌斷碣於寺中祠壁而遷二像於大宗祠聞尙未舉行故復以此詩敦迫之

昔時湖上去我獨上嶺
岫斷碣前朝字荒山故相園

烟嶼樓詩集十四

六

礙衣多积棘拜像識椿萱
位置曾相告憑君勿忘言

傅心芝大令

自銘

死事於上高縣

轉戰圖恢復倉黃復引兵
丈夫終死國遺恨未收城
斷臂心猶壯歸元面若生
數行

褒恤詔忠勇史官旌

二

纔脫廬陵轄旋歸望蔡喪

王琴仙太守本梧以前一年殉節吉安府吾鄉宦江西者

纔二人至是幾人官此土
大節炳吾鄉刀劒都陳座
櫬而君復死之

槍尙有芒諸君英爽在應共下朱航

童曰玩結語慨
想當時之無人

張東玉中翰士珣挽詩

自我城西住爲君水北鄰去來情更密談笑意都真話
舊追先世論文記宿因君與余同試郡縣受知於程大令朗岑呂太守仲英兩師其後同試雲石山房復受邇年人事變抑鬱總難伸
知於李觀察曉園師

二

餘蔭承先業生來安樂窩未堪身世累遂覺苦辛多閱
磨紆籌策心神費折磨照人畱古道欲問命如何

三

有客談星命謂馮午卿今秋謂不祥此時君健飯頗怪語荒
唐不幸而多中斯人未可亡露珠弓月夜君卒以九月初三日景

色太淒涼

烟岫樓詩集十四

七

雨中登瞻琦嶺絕頂

嶺路何年闢彎環十二重忽驚無上界已到最高峯髮
爲天風櫛衣沾澗霧濃南東山下畝大雨慰耕農

二

一望盡空闊眾山無與齊眼中滄海小天半白雲低雨
色寒蒸樹泉聲亂入溪重遊待晴霽萬里不應迷

童曰未用虛寫與游響巖念之意常惡句並妙

陸曰二詩筆健如俊鵬摩空

瞻琦有序

瞻琦距縣將百里背山面海明初設汛其地始移民
居之成大聚落海中之琦頭洋在其東烏琦山在其
南登高可瞭望故名瞻琦而村人以爲瞻岐誤也咸
豐九年村外新築海塘開闢塗田余同諸君往觀塘
事客村中周氏者十餘日歎其民物富庶風俗敦厚
卽景成詠如土風焉

萬嶂圍三面千家自一村早潮登蟹蛤斜日下雞豚桑
柘牆陰密衣冠古處敦不須宵擊柝高卧闢重門

百里遠城郭眞成安樂窩水清爲酒旨土沃有年多髻

烟嶼樓詩集十四

八

井嫻詩禮功名重甲科山邊勸書院好去聽絃歌

村人合建

瞻琦書院

三

更向前村去溪橋壓水平蠶人修破網浣女闌初晴生
計饒山海鄉風半讀耕憑高試登眺遙見大嵩城

四

聞說湯襄武移民到此來負山初建國傍海尙畱臺經
制前朝古農疇繼世開無窮延地脈又看關汗萊

海邊漲塗

次第成田近又開墾可得萬畝

五

萬杵登登築來游到海邊下方新畜淡高處已連阡虞
芮何年事滄桑此日田夕陽明兩岸人坐渡頭船對海
爲定
海廳地以舟渡
海頃刻可到

童日詩
中有畫

六

南望州昌國元昌國州卽今定海廳東連縣泊潮宋人呼鎮海縣
爲泊潮縣海岸

穿鼻山兩縣時清無戰艦泥滑有飛橈潮退後土人以
小舟在海塗上

拾海物舟甚小一足舟中一足舟外碧淖天開險數十
年來

推行如飛或卽大禹四載遺製與碧淖天開險
數十年來

漲塗日遠海盜不紅爐海作燒海濱多煮
鹽竈戶尚餘防戍卒

能上無煩防汛國朝立汛仍明制額設

頭白混漁樵守兵戰兵馬兵各若干名

陳日視舊誌所載呂山人

諸詩有其過之無不及也

陸日六詩捶字必堅鍊詞必

雅置之杜集中幾不辨楮葉

童日節次寫來人情風俗歷歷如見妙筆也杜老詠

風土如是如是又日第三四首當爲六詩之關鍵

贈周翁君綏

會與翁無素相逢意便傾自言方病足不得伴山行雞

黍田家味桑麻隱士情賢孫氣軒豁翦燭話生平

由寶巖山至戴公嶺

萬樹長松下籃輿曲曲過水清魚樂見春暖草香多世

態消魔障天風滿瀾阿山深雲在谷隔嶺有樵歌

張鑑山廣文炳奎挽詩

荷鍾劉伶願真當化酒壺浮名原冷淡大事不糊塗豹
吠聲何急烏私淚欲枯那堪羣季對其惜一荊株用庾子山

鳥曰首四語
為廣文寫照

送張米叔同年司教定海廳

送子鄞江上琴書共一船冷官棲海國蜚雨雜蠻烟變
夏悲今俗移風緬昔賢青氈商舊學好闢野狐禪

二

昔者吾良友淵深媿弗如宋元搜祕笈典詠勒新書子
有斯文責人當問字初此邦知愛惜定為覓鈔胥吾鄉地志

烟嶼樓詩集十四

十

莫備於定海宋寶慶元大德二昌國志余既刻於宋元
四明六志中明志亦有存本聞國初聞竊泉所作舟
山志尤佳余未之見也近時朱司馬述之先生嘗以夷
難後收復定海到此因搜羅掌故囊括古今為昌國典
詠十卷考此邦事蹟者今莫備於此書矣書稿在吾家
若此邦人士能為之謀剗勵真不朽盛事故因送君也
而詳言之

三

島嶼浮空見吾家古蹟多徐城今在否遺廟近如何徐
王避楚至翁洲始見史記正義所引括地志中翁
洲即定海也故徐城及王廟定海新舊志並載之眼已
經滄海身應到普陀胡僧倘相識清話夜婆娑史越王遊昌國

時事

四

把酒論形勝。當年卽甬東。臨風一懷古。爲我弔三忠。謂
丑殉節。潮湧連天白。城孤落日紅。和歌慄以慨。遲爾寄
三將軍。詩筭。

建隲山中

山中何所有。好景不勝收。巖瀑白於雪。野花紅到秋。笙
歌禽五色。奴婢橘千頭。若更載書去。何須萬戶侯。

陳曰三四天然佳句

陸曰神似開府

行人入建隲。偶摘一橘爲守者所見。償之不啻
百倍。讀少陵金橘不論錢之句。爲之浩歎。

湘湖樓詩集十四

十一

金橘山山熟。行人但許看。滿村諱掩獲。令我發長歎。可

解梅林。渴毋彈。李下冠鄉風。眞負義大劫。豈無端。陳舜俞都

官集山中詠橘詩云有義曾分客自注云山中橘熟時見客來者無不分贈

李峩山舍人炯挽詩有序

君常以忠孝自任。家在鄞南鄉。隻身避寇江北流。離

顛沛中。每恐家人有陷賊者。悒悒成病。今年三月閒。

忽譌傳賊掠南鄉。全家被陷。搥牀大叫。遽仰藥死。前

年君司訓金華。聞賊警以死自誓。會賊轉而西去。得

從容解組歸里門。至是而終殉之。可哀也。同治元年

秋九月

隻影流離日蒼涼病未蘇妖氛春盡惡淚眼望中枯宦
海身猶在家山死不孤吾友鄭弼庵舍人聖古來忠孝
事何意諒庸愚騶先君數月絕粒死

陳曰人生得一知己足以不恨死而有
知當復如是一結足令九泉瞑目矣

同治二年正月有懷次女時方從其壻凌定甫

孝廉 忠鎮 客京師

失恃猶年少常依大母傍教非嫻保姆身已事姑嫜不
幸逢新亂從茲更遠方遙知四千里憶我鬢蒼蒼

烏曰結語反用少陵
月夜詩意別有情致

五十行年至吾衰難具陳齒牙多脫落哀感况頻因去

四月仲兄長子隆章被掠閏八月間伯兄仲子隆
德病卒大墩祠堂中今年正月二日德婦又故亦有

名山業而遭劫火新亂中吾以著作一巨束藏金巖石
屋付石屋中打坐僧曰功餘者守

視之未遭兵燹而竟
被焚如亦怪事也近來聊坐憶燈影夜常親

烏曰一氣旋折
此四十一言詩也

三

別汝前秋暮而今又歲初少時多病痛客裏復何如
海客夏在上由天弗歎吁郎君應有信候看弄

璋書

陳曰神行官止如寫
家書忘其為律句

挽周廉泉同年

紹瀛

下第南歸日扁舟我與君此行踰而月後會總浮雲薄
宦長為客彈琴未策勛江南有循吏吾黨惜離羣

烏曰而月浮雲是熟極後自在流出無心湊巧不比尋常借對俗派

二

聞道周明府儒官有將材夜馳鄰縣去手縛賊王來籌
策閒中定荒蕪亂後開至今三仕處丹徒金山華亭士女尙餘

哀

烏曰生氣勃勃

童曰一氣奔注熱極而流是舍人擅場處余尤愛其有頓宕有提掇否則非直下即平衍矣

老屋

烟嶼樓詩集十四

十三

老屋三開在天雷劫後棲室真容膝小牖有及肩低急
雨蛛收網狂風燕落泥垂楊依舊綠高蔭敞廬西

烏曰急雨一聯乃閒中有得語不圖劫後有此靜恬之況舍人真異人也

童曰舍人客慈谿而家遭回之變及急足報至時方置酒高會滿座驚歎失色舍人笑曰不可以一人向隅而四座不權即復命酒重酌明日歸來慰弔盈門舍人處之恬如但稱命數而已蓋其胸襟實有不可測者因讀此詩見烏君評語遂并識其本事如此

挽董面軒孝廉

瀛

訪我冬將盡知君正養疴已難驅晉豎姑為覓秦和京
國醒春夢風華付逝波江潮夜淒惋那忍聽蒿歌

挽王小竹引孫

與世混相濁。儒風不脫難。兩辭

微辟詔一任。廣文官繪事成。虛諾今夏過余草堂以余劫後圖書無存將作

畫贈詩情待細看。君嘗屬余訂定詩稿青箱傳舊學。蕭瑟為君歎。

君卒後十餘日令子改夫廣文繼卒

陳曰起二非深交真交不能作此語

劉曰挽詩例多酬應而吾師諸作多表明心跡存其梗概後有讀者可以想見其人之生平如此篇與前挽李舍人諸詩尤其著也

以詩傳人不媿詩史之目

老友話舊意似抑塞用賦五言以廣其意

同學少年子紛紛在上頭。名將高一世。士各有千秋。憎

烟嶼樓詩集十四

十四

命文章賤。無才飽暖羞。老來應努力。慎弗念沈浮。

雨後山中

雨後天初霽。陰晴尚未分。壯心奔峽水。遠志在山雲。野

草纔能活。新松漸不羣。蜜巖如此近。欲向覓鴻文。

五排

范汾生夫子上緯挽詩

弟兄陪絳帳。春滿鏡湖前。憶昔追隨日。於今廿九年。城

西謀老圃。屋外接廉泉。有約高軒過。空期好月圓。去歲

遷城西與先生居甚近先生約今年正月望日過草堂一飯已而不果掘衣商邃密。撰履

亦遷延。元未分揚草。詩曾受鄭箋。傳家儒素業。杖國地

行仙淡飯粗衣樂栽花種樹緣座堆都講籍門繫孝廉
船願已三生了天畱五福全光風餘綠帶秋氣冷青氈
李漢收遺集還當作序篇

童曰三
四妙對

烟嶼樓詩集卷十四

男隆壽平甫校字

烟嶼樓詩集十四

十五

烟嶼樓詩集卷十五

鄞 徐時棟同叔稿

慈谿葉鴻年吉甫刊

七律上

童曰大將諸將詠漢史懷裕大將軍及游杭集中表忠觀諸作氣韻沈雄識力超卓幾於空絕前後至入己酉以後諸詩則命意深遠措語又極和平格律漸入老成矣

春陰

重疊行雲出岫忙雨晴不定似商量初三夜月逢寒食十六番風到海棠草色上階青帶潤簾紋如水綠生涼詩囊入夢頻搔首何必楊花落滿牀

烟嶼樓詩集十五

舊評王綱齋師曰三四鉤取題神是追魂攝魄手段

贈鍾雲屏

市上吟聲是也非鑪邊鑷隱有雲屏翁以冶錫為業而能詩余稱之治師時人呼為鑷隱新翻樂府黃棉襖舊署明州老布衣死別生離知己感翁始學詩於其故友陳夢回又極為浩歌悲嘯陳丈漁珊所賞時丈方遠宦陝右賞音稀翁送陳丈詩有云五千里路相思苦六十年人再見難本佳句也而或以為語非吉祥強令改之白頭詩事須珍重如此江山力亦微

同人賦西郊古蹟得鸞脰湖

我來話舊廢湖邊世事滄桑總偶然一水豈知關大利七鄉從此失腴田相傳一萬二千丈曾歷三朝六百年

過望春山長歎息不知何計保東錢。望春山在舊鷺脰湖中鄞東西兩鄉西七鄉田賴鷺脰湖東賴東錢湖鷺脰湖既廢更無可復之理而東錢湖亦復多私佃之者且復淤泥日積蓋湖小於舊者什五六矣

二

欲造夷船費不貲好湖拋卻爲高麗幾年薄賦窮黎累
初廢湖時募民佃田但稅官賦賦較重於他鄉而無田
主之租故民爭佃之且德廢湖人至爲之立廟豐惠廟
是也其後復相賣買於是田租如他鄉而官賦大一片
重明時雖經奏減然不能盡減至今終爲民累耳
深情快婿詞王正己作廢湖辨謂湖可廢正己樓楚公婿也輕廢尙當閒暇日
議興況在靖康時可憐功德無窮盡簫鼓年年祭太師

豐惠廟俗名樓太師廟

烟嶼樓詩集十五

二

柳汀雅集賦夕陽

夕陽緩緩下平田無數樓臺映水邊燕子歸來雙剪影
鷺鷥飛破一村烟溪山茅屋尋僧路門巷蓑衣賣酒天
風景蒼茫無限好試看春漲兩湖前

二

雨後閒雲淡淡行畫圖萬變是初晴小年長日三分在
近水遙山一半明江上烟波遊子恨天涯離別故人情
短衣小立柴門外村後村前打稻聲

三

荻花楓葉作深秋一抹殘紅罨畫洲江岸平鋪分草色

人家收起在簾鉤宿寒蘆雁飛流水打暮鐘僧上破樓
歷亂野航歸去急幾多帆影落平疇

四

疏林斜出是官橋隄上行人覺路遙衰草荒城臨古渡
中原舊壘認南朝殘陽西下太容易江水東流總寂寥
惆悵何人懷故國黃昏時節有吹簫

陸曰夕陽春草
諸詩酷似義山

次韻答韻仙

不見何生去後文近來我亦嬾於雲風催花信連番到
酒占詩腸一半分渺渺春波重惜別

時王丈騰軒及趙粹甫張葆宰皆將

烟嶼樓詩集十五

三

遠赴京師淒淒夜雨況思君尋常著屐非吾好欲訪蓬廬待

日曛

烏曰此下二十餘首皆舍人少年之作諸君頗有欲
刪去之者余謂舍人七律凡三變始尚清新繼歸雄
健近時則以真實和厚爲宗合觀前後似
出兩手要非竝存之不足以窮其變境耳

次前韻送趙粹甫

從今日下好論文健翮摩空萬里雲合座杯飛行色動
片帆風緊浪花分少年豪興卿知己春水長江我送君
他日相思何處是淡烟鄉樹帶斜曛

次前韻送張葆宰

傳經家世有鴻文衫袖飄飄氣貫雲春色東來京國滿

潮聲西去大江分，風生快論曾驚我。己亥七月同客錢唐寓中縱論史事月照浮梁定憶君，不爲送人思作郡。書籤萬卷映朝暉。

次前韻贈陳子相

白髮燈前手我交，情兩世賦停雲。謂尊甫西耕先生忽驚先

輩風流盡。先君沒後十二年先生亦歸道山可使吾曹意氣分，一夜清

談新益友十年名。士舊徵君何時再駐湖頭馬，坐看歸

鴉掠暮暉。

次前韻贈王稽雲

湖水如天浪有文科頭，一笑見稽雲人來暮。雨輕衫溼簾捲，東風斗酒分座上。縱談應讓我夜深，高枕獨憐君

別顏不了相思意，春樹蒼茫隔浦曛。

烟嶼樓詩集十五

四

次前韻卽事書懷卻寄韻仙

一本梅花一卷文，此時意氣宛凌雲。綠波春漲人爭渡，

紅樹烟多鳥欲分。美酒十千酣過客，異書三萬傲封君。

無端屢疊何郎韻，卻爲詩成恨夕曛。原唱末韻用夕曛和之者頗無別意

可選故篇未微調之

前余贈子相長句子，相旣次韻報余二月二十

八夜忽夢見之，明日薄暮而贈詩，又至始知昨

夢之非無因也。仍次前韻集唐人句卻寄

緣情何幸枉高文，遙結芳心向碧雲。生計拋來詩是業。

報章重疊字難分。今朝一望還成暮。昨夜三更夢見君。
惆悵舊遊無復到。水邊風日半西曛。

次前韻再集唐詩贈韻仙兼示子相稽雲

前度相逢正賣文。前余與韻仙同爲人作駢體壽言一朝消散似浮雲。

花鬚柳眼各無賴。蓬閣桃源兩處分。直道相思了無益。

不知何地再逢君。簾前春色應須惜。閉閣陰陰日復曛。

郭曰集唐皆自出機杼不同抄撮

再次前韻寄韻仙并約閨重三之遊

下筆全無出世文。歌聲那得遏行雲。主慙遇敵三人勁。

僮忽投詩兩地分。子相稽雲同館陳氏韻仙館楊氏相去數里隔嶼每懷何

烟蘊樓詩集十五 五

水部比鄰絕少下田君。頗聞欲作登樓客。看劍彈琴共

坐曛

二

乞靈曾借古人文。知向城東憶范雲。三月已看新置閨。

四時誰道各平分。用元微之句明朝小飲遊丁市。今夜長吟

共卯君。謂子舟上巳天教作良會。湖邊一抹放紅曛。

烏曰平分四時語出九辨詩人沿用久矣此乃謂春多一月不得平分句則仍諸前人意則與之迥別推陳出新其妙全在上句

春草奉和馮柳東先生登府韻

輕雨輕晴放鷓鴣。天落花時節。草芊絲翠邊。金粉嬉春路。

綠外紅旗賣酒船。蝴蝶翅粘歌扇底。麝蕪痕上舞衫前。
細奴攜榼城郊去。寒食人家拜墓田。

二

歸夢迢遙客未還。東風吹綠到人閒。江籬無種年年遠。
野館誰家寂寂關。襟上淚痕湘浦雨。馬頭春思潁陽山。
天涯徧地淒迷景。別恨如斯不易刪。

三

漢苑無人問。馭娑荒荒城郭淡。烟拖醉中憑弔。皆陳迹。
天末相思付逝波。舊恨六朝殘夢短。平蕪千里夕陽多。
閉門要路都生徧。欲乞山閒薜荔阿。

烟嶼樓詩集十五

六

鳥曰押多
字名貴

四

萋萋不斷路三千。已掃匈奴向戍邊。斜日昏黃嘶馬地。
滿山濃綠射鵬天。可憐青冢成焦土。但見白楊生野烟。
鋪徧沙場容醉卧。酣歌莫問酒家錢。

王曰此非作者本色
詩存之以備一格

再詠春草次馮太史師韻

門前寒碧接荒城。野色搖空暝色橫。天意似憐燒易盡。
人閒無種斷還生。翠痕都入家山夢。錦道重翻樂府名。
澗谷采香沿故事。促裁春服報初成。

二

折柳章臺日半斜。眼中秀色徧天涯。人歸陌路春三月。
夢醒池塘手八叉。荒野縱橫迷舊跡。淺叢點綴卽閑花。
榮枯瞬息尋常事。惆悵何須感歲華。

再和

春色隨人卻上城。晴川歷歷遠山橫。寸心宛轉相思種。
一意纏綿努力生。遊客踏莎新唱曲。女兒鬪翠各呼名。
兔葵燕麥渾忘卻。泛淥歸來句已成。

烏曰三四亦復纏綿宛轉抵得六朝人春草賦一篇又曰全不黏說春草卻移換他題不得

二

烟岷樓詩集十五

七

掃石題詩字半斜。生機從此悟無涯。空庭有影飄書帶。
廢圃何人負藥叉。杏子衫邊飛絮影。橘皮鞞上染苔花。
流波數尺南谿路。沈醉東風玩物華。

三和

吹到幽香滿洛城。油車斜出路縱橫。水邊濃翠山邊淡。
霜後枯根雨後生。蠟屐又迷桃葉渡。粉牆新記野花名。
拂箋試畫青蔥色。一種閑愁寫不成。

二

鞭絲柔軟帽欹斜。春事撩人未有涯。莫唱尊前金縷曲。
教尋陌上玉鴉叉。踏來晴翠聞啼鳥。點破香痕是落花。

莫怪舊時詩恨在五侯門外總繁華

郭曰春草諸詩似查初白

杏花次馮太史師韻

江南消息雨聲闌
院落深沈十二千
卅里好花天上種
萬家春色馬頭看
帽欹疏影絲鞭緩
簾挂東風玉笛寒
第一生香標品格
錦城桃李已開殘

避地它山贈徐秀才

兆蓉

生少無爲忽亂離
倉黃聊借異鄉枝
當君絳帳談經日
時君館它山朱氏
是我青山避寇時
粉社衣冠看不異
桃源風景悟如斯
蘭江蕙水悠悠在
極目烟波總自疑

烟岷樓詩集十五

八

二

自來秋半已經冬
寒夜孤燈意萬重
長鋏不歸空寄食
小人有母尙尸饗
輸君桑梓承歡久
君居許家橋下與
它山才隔一水
悵我雲山負米從
旅館憂愁勞白髮
邇來非復舊時容

童曰情文俱至

三

每同樽俎露風裁
春樹秋雲望我來
把酒當年知子面
憫時今日見君才
時君新作憫時詩
關山已擲人何往
杼柚將

空意可哀聞說文章堪報

國幾人挾策上燕臺

官奴城外急奔瀧連歲兵塵滿海邦天劍未曾清甬水
妖氛又說起姚江縱銷古堞空威遠招寶山上舊有威遠城近聞已為夷
所好洗明山築受降不敢告人聞有命上元應許買歸
艘

烏曰落句蘊藉

大將

恭承

詔命入江東指顧平蠻膽氣雄大將視師猶竟外纍臣
歸骨已舟中受纓信有終軍策賜樂誰論魏絳功文告
徧傳長歎息伊人失計是和戎

相峴樓詩集十五

九

二

卷甲投戈罷戍邊夜來幕府令喧傳安排廬井多新作
歡笑雞豚解倒懸不信亂生真式月豈知狄至在期年
賈生肯有欺人語係頸單于早眼前

烏曰五六何切合乃爾隸事至此歎觀止矣

三

偶來浦溆任獐獍不料檣傾楫亦摧陷淖尚思游涌逸
獻俘爭看沂江回一舟遊戲海濱潮退舟敗遂獲其夷目一人未妨快意誅
長鬣何必驕心膊就魁聞道將軍謀靜鎮新來千騎乍

驚逐

四

重兵良將守彈丸。叢爾孤懸膽亦寒。原為版圖收既失。

已忘軍志退知難。海邦昔日常資寇。翁山自唐德宗朝為海寇袁晁所據

久不克復遂廢不治歷五代至宋神宗始立昌國縣翁山昌國即今定海地也

昭代初年未置官。國初地為遺頑所據至康熙二十六年始立縣莫謂無人

謀不用罪臣臨別早悲酸。謂林制軍

烏曰五六接法直逼少陵

五

飛礮如雷曉夜喧。羽書歷歷望兵援。帳中四面歌聲慘

烟嶼樓詩集十五

十

海外孤城士氣冤。猶使解揚來誑宋。可憐先軫竟歸元

謂守定海三總兵

江心古寺招魂奠。何日奇功慰九原

六

海上危峯鎮不移。地形天險界華夷。雄關已擊重門柝

閒道曾無一旅師。晉國山河原表裏。衛公陣卒太支離

平倭尚有前朝碣。斜日昏黃總制祠

七

妖氛徧地海天昏。又見舟師破虎蹲。鎮海縣山名棄甲復來

難睥。目守陴皆哭。早銷魂。已知將去軍無託。焉得昏亡

齒獨存百里封疆。誰寄命但餘荒谷報

君恩

八

明州淨土忽羶腥黯淡姚江隕將星走保會稽吳入越
羣囚治父帥聽刑守關尙未知山道伐木空勞塞海陁
可惜斯人無將畧孤忠耿耿照丹青

烏曰平允之論

陳曰大將諸將十二首使事雅切婉而多諷不失溫柔敦厚之旨非徒以左癖見長

諸將

受命戎行已喪師罪臣殉節此其時絕懸何處曾逢使
薄醜無人更貨醫天意不教全一死

烟嶼樓詩集十五

十一

國恩猶得免三危空畱遺愛句東道寂寞千秋事可悲

二

雲臺老将本英雄名在凌烟畫象中李廣數奇逢勁敵
哥舒師敗棄前功嘉門匹馬西風緊鄞水扁舟落日紅
長樂鐘聲太淒慘江邊歎息有村翁夷人方在鎮海而郡東浮橋已有劫
奪行貨者會余軍門自鎮海來見之立斬無賴一二人郡民始安

三

彩仗威儀壯矣哉鄧通千古號多財祇知海國尊官守
豈料蠻琛釀禍胎肆市不聞秦謀戮犒犒牛還遣鄭商來
尙臨廣坐談忠義莒子西門已洞開

勳名無復望前途高節依稀在月湖豈有從亡供股肉
但聞守藏盡頭須老猶遠戍投邊徼

恩許生還見舊都廉吏口碑真不媿始終相見只迂夫

烏曰大將諸將等篇全用隸事法別是一樣格式此
時舍人篇詠頗多尚有前大將後大將及紀事各若

二首悲感淋漓無媿詩史之目惜兩遭劫火僅存什
二三耳余猶記其紀事詩中有句云逼處更難容五

馬責供何止膳雙雞歎其切合時
事用古入化今亦無從得其全矣

陸曰大將諸將諸作感慨時
事淋漓悲壯幾欲擊碎唾壺

鴻年案諸將詩惟第三詠鄧太守者為辛丑舊作餘
三詩則雖已屬稟至其人作古復更改論定之故第

一詠寄司馬之得免二危第二詠余軍門之長樂鐘
聲第四詠王大令之生還舊都皆辛丑以後事也此

集雖是分體各體亦復編年本當編四詩於壬子癸
丑閒緣題僅諸將二字恐閱者不知所詠何事故類

次於大將詩之詠裕大將
軍者而附識其說於此

烟嶼樓詩集十五

七

烟嶼樓詩集卷十五

男隆壽平甫校字

